

Dr. Rûdenko di navbera salên 1950-55'an de bi dewlemendiya çand û wêjeya Kurdan dihesa, digere û bi çavên xwe dibîne. Dema vegeerê wiha dibêje: "Li Rojhilata Navîn çî gencîneyek sergirtî hebe, ew çand û wêjeya Kurdî ye."

Rûpel 10



Sal:2 Hejmar: 84 26 Îlon-2 Cotmeh 1993 5000TL (KDVD) Rojnameya Hefteyî

Hebûna Partiya Demokrasiyê ya di meclîsê de tê munaqêşekirin DEP di pêvajoyeke girîng de

Rêvebirên Navenda Partiya Demokrasiyê û serokên DEP'ê yê bajaran, roja yekşemê ji bo biryareke girîng li Enqerê dicivin. Dê di vîcivîne de li ser pest û pêkutiyên li ser DEP'ê bê rawestîn, şertên nû bêne nirxandin û bernamêyên têkoşîneke berfirehtir bê guftûgokirin. Di vî de ji bo awayên têkoşîne du dîtin derdikevin pêş. Yek ji van, vekîşîna mebûsên DEP'ê ji parlamentoya KT'ê ye. Ev dîtin bi pirranî ji aliyê hêz û kesên ku ne di nav DEP'ê de ne tê pêşkêşkirin û di nav pirraniya endamên DEP'ê de alîgir nabîne. Di nav DEP'ê de bi pirranî mayîna di meclîsê de tê pejirandin.


Bi kuştina Mehmet Sîncar û girtina Yaşar Kaya re, Partiya Demokrasiyê mecbûr ma ku, politikayên xwe ji nû ve binirxîne. Ji bo rêlibergirtina êrîşên dewletê yê li hember DEP'ê û hêzên demokrasiyê û ji bo tesbîtkirina politikayên nû di hemû qadan de guftûgoyên girîng pêk tînin. Dîtinên cihêreng, ji aliyê hêzên cur be cur ve tîne pêşkêşkirin. Tev pîrsa "divê DEP çî bike" munaqêşe dikin. Hêzên ku ne di nav partiyê de ne, dibêjin bila mebûs bi lez ji meclîsê vekîşin. Rêvebir, mebûs û endamên DEP'ê bi pirranî li hember vekîşîna ji meclîsê dertînin.

Rûpel: 8-9



Bi kuştina Mehmet Sîncar re êrîşên li hember DEP'ê tundtir bûn. DEP jî niha li dû politikayên nû ye.

Gelê Başûr NÇM hembêz kir



Tûrneya Navenda Çandê ya Mezopotamîyê (NÇM) di 16'ê Îlonê de li Zaxoyê bi kêf û şahîyeye mezin ve qediya. Tûrne di 28'ê Tebaxê de dîsa li Zaxoyê dest pê kiribû. Di çalakiyên NÇM'ê de gelê Başûr pêwendî û kêfê mezin şanî endamên NÇM'ê dan.

Rûpel: 11

Bi afirînerê fîpa "Karga" re hevpeyvîn

Qijika hawarê li Gündem'ê danî



✓ Divê hunermend li pêşberî civakê be lê hêza xwe ji civakê bistîne. Yanî cihê ku gihîştê divê civakê jî bikişîne wir. Gava ji civakê veqete, li gor min tu mîsyona wî nemaye. Êdi bûye mexlûqatek.

✓ Îro li Tirkîyê faktora mîzahê li hember muxalefeta civakî tî bi kar anîn. Tê dejenekirin. Rûpel: 16

Rojnamegeriyê dixwînîm

Hevalên hêja, xebatkarên rojnameya Welat hêvîdar im ku, hûn bi xweşî û şadî bijîn û her wext niştîmanperwerên we û me li nav mîletê me de hebin û Yezdanê jor hêzê û saxiyê bide we. Hevalên hêja, ev helbesta ku min nivîsiye, li ser xwişka hêja û nimûneya keçên Kurd (Leyla Zana) hêvîdar im, hûn di Rojnameya Welat de biweşînin.

Ez rojnamevaniyê dixwînîm li Rûsyayê. Ger ez bikaribim bi we re kar bikim, ji bo min binivîsin çî ji min tê

xwestin û bi taybetî ji Rûsyayê û zor spas

LEYLA ZANA

Li welatê min gulek şîn bû
Şax veda bi rengên delâl
Natirse ji şûrê dijmin
Şev û roj dike xebat
Ew gul şîn bû îro
Nayê birrîn bi hêsani
reh berda binê derya
Êdî dijmin kete tirsan
Leyla Zana keçika Kurd
Peyvên bi navê mîlet
Mîletê Zerdestê kal
Maye bêcih û bêwar

Metirse keça şêran
Keça Firad û Dicle
Keça Hekar û Bagok
Keça Hindirin û Qendil
Tu bibe nimûneke mezin
Ji bo her keçika Kurd î jar
Êdî bes e koletî
Bila şiyar be bes e
Li te fihêl be ey Leyla
Şîrê berê dayika te
Neh mehên ku tu hilgirtî
Rebeniya bavê te
Te ceger li min kir piling
Herim dijmin sîng bi sîng
An bijîm wek mirovan
An bimirim nebim kole

Perwer Shamoo/ Rûsya

Yezdanê adilê adilan

Bi navê Yezdanê Adilê adilan. Dirokzanê ezîz, mamoste, lêkolîvan, gernasê welatperwer heval Nihat! Min ew xebatên we yên Welat xwendin. Kêfxweş im. Dilê min geş e. Hêvîdarî serkeftinê me. Serkeftina civakî ya şoreşger û têkoşerê jiyana berxwedan û serhildanên li hember zilm û zorê, talankerî, kedxwarî û dagirkeriyê!..

Mala te ava be. Tu her bijî û her hebî bi xêr û xweşî. Ez mele me... Welatparêz im. Serfinaz im. Jiyana min bi berxwedanî û serfinazî bihuriye. Tenê bi nizanîbûna dîrokê ya warê xwe xemgîn im. Tarî me. Muhtacî ronahiya dîroka bi rastî me. Çavên min li rêka kar û xebatên lêkolîvanî û lêpîrsên dîrokzanên e. Vê bizanibin. Ji bîr mekin. Tim û tim bi bîr binin. Bawer î me, dîrok ji bo me zar û zêçên asîmîle û perîşan roja tarîtiyê diferikîne.

Belê ronahiyên hûn didin me, em didin gel. Gel welatparêz e, lê belê ronakbîr e jî. Dema ronahiyên we biçîrisin dibînin. Dema bitefin dibînin.

Ji vê gotinê daxwaziyên min hene. Daxwaziya min a herî mezin ev e, hinek nivîskarên rojnameyê heqaretê dikin. Neheqî dikin. Dilên me dişkînin. Asteng didin ber ronahiya jiyane. Di xebatên xwe yên nivîskarî de ne objektîf in. Xusûsên der heqê mafê ola îslâmê de diltenik in, yanê ne zani in.

Ji xwe gel bi ol hatiye xapandin. Ev bûyer e. Bi meletiya xwe qebûl im. Lê îro, roj roja wekhevîtiya ol û armancên îdeolojîyê ye. Roj roja vekirina dilan bi dilan re ye. Helandin û kelandina bi hev re weke av û ba lazim e. Têlên bi strî yê hesin raxistine di nav dilan de. Îro zar û zêç, keç û xort, jin û mêr tev bi hev re bi xwîna xwê ev hidûd xera kirine. Lê hezar mixabin, hezar heyf ku, ev mirovên me yên rûspîtiya gelê me û gelên din bèn biçûkkirin, dê li wan neheqî û heqaret bibe.

Ayhan

Marşa welêt

Mêj ve bêje; kî siwarê Rojhilatê Navîn e...!
Bêje; kî Kurmanc û lor in,
Bextîr û Sorî ne...!

Kî ne yên ji pêşiya hebûnê de
hebûn û hîn hene...!
Kî ne yên li rûyê demê
sert mane û neşikestine...!

Rab ji xew ey Rojhilatê; kî bûn
ên nav dane te...!
Kî bûn ên ku tox û alên wan bi tev de
sor bûne...!

Kurdên Kurdistan em in şervanên
rojên teng û zor
Niştîmanparêzger in em,
her xwediyên vê qadî ne...

Xwediyên rûmeta pak in me
parastiye bi cên
Dewên rojên şer û cengan, tev de
ar û pêti ne

Rakerên doza mirovatiyê li cihanê em in
Torinên Zerdest û Kawa,
Key û Xusro û Mîdî ne

Lew bizane mêj ve; "Kurd" em namirin
ta tu heyf
Ji ber jiyana dest pê dike,
bi Kurdan û bê wan namîne

Ji diwana Destana Şehîdan/ Dilsoz

XALÊ MUSA

Dijmin ji nivîstoka te pirr ditirsiya, lê niha devê çekên gerila tev dîroka serxwebûn û azadiya welat dinivîsîn. Hejmar bi ser deh hezaran ket. Mizgîniya min li te û xwarziyê te Hüseyn ku xaka Kurdistanê bi ber rizgarkirinê ve diçe. Hûn di têkoşîna rizgariya netewê de dijîn û herdem bijîn. Jiyana tewra bi rûmet jî ev e. Bi jînbûna we ya di bilindkirina têkoşînê de dijmin diteqe, qehir dibe, bala dilê we şad be.

Xwarziyê te H. Deniz

Nivîsara Welat

Dozgerê Tirk û Kurdî

Di van heftayên dawî de Komara Tirkîyeyê şerê xwe yê qirêjî yê "topyekûn" ji berê jî dorfirehtir û diwartir dike. Her çiqas dengê raya giştî kêm dibe, diwariya dewletê jî berevajiyê wê zêde dibe.

Ku gel li hember kuştina mebûsê DEP'ê Mehmet Sîncar bi awayekî girseyî nemeşiya, barîkatên hêzên dewletê neşikandin û cenaze ji dewletê nestandin, dewletê bi hemû hêza xwe ve giranî da êrîşên ser warên legal. Ji bo girtina Gündem'ê û kovarên din ên pêşverû mehkeme li ser mehkemeyê der heqê wan de vedike, rojnamevanan û mirovên demokrat diavêje zîndan.

Girtina Serokê Giştî yê DEP'ê û her wiha xwediyê Gündem'ê Yaşar Kaya jî, hinek ji ber bédengiya girseyî bû. Bi dîtina me rayedar, mebûs, bi taybetî jî Serokê DEP'ê Yaşar Kaya li ber rêlibergirtinên merasîma cenazeyê Mehmet Sîncar hinekî din bi rêxistinî biliviyana û dengê xwe bilindtir bikirana, wê dewletê ji mecbûrî bi paş ve gav biavêta.

Lê wisa xuyaye ku, dewletê ji vê bédengiyê cesaret stand û êrîşên xwe li ser warên legal tundtir kirin û dike. Helbet li hember neheqî û êrîşên hovane, pêwîst e hemû kes dengê xwe bilind bike, bes dîsa jî berpirsiyariya mezin dikeve ser milê partî û rêxistinên girseyî yên demokratîk. Hîna ku nebûye dereng, lazim e di serî de DEP, hemû rêxistinên legal ên pêşverû ji bo ji holê rakirina vê bédengiyê serê xwe biêşînin û li çareyên bi tesîr bigerin.

Heftaya çuyî Dadgeha Ewlekariya Dewletê ya Stenbolê (DED-S) der heqê du nivîsên Welat de banga sûcdariyê ji me re şand û em dawetî mehkemeyê kirin, da ku îfadeya xwe bidin. Ev cara yekemîn e ku, der heqê nivîsên me de dewlet bangeke sûcdariyê dike. DED'a Stenbolê sernivîsên du nûçeyên "Gelê Tirk jî bi ser xwe ve tê", "Li Edenê polîsan teror pêk anî" ku di hejmarê Welat a 73'an de hatibûn weşandin li gorî xwe wergerandine Tirkî û di wan de sûc dîtine. Nivîsa Manşetê "Gelê Tirk jî bi ser xwe ve tê" wek "Türk halkı da baş kaldırdı (Gelê Tirk jî serî rakir)" wergerandine Tirkî. Diyar e ku, Dozgerên Stenbolê hê jî hînî Kurdî nebûne. Di hevokê de peyva "ser" ditiye û li gorî texmîna xwe gotiye, hebe nebe ev hevokê wateya "Gelê Tirk serî hilda".

Ku hîna dozgerên dewletê nikaribin sernivîsekê wergerînin Tirkî, gelo wê çawa nivîsê giş wergerînin? Lê ku wergerînin jî çawa dikarin rastiya wê îspat bikin? Ji ber ku tercûmanên dewletê yên zimanê Kurdî nîn in. Ku hebin jî, ji kê ehliyet standin? Ji xwe di Qanûnê Bingehîn a dewletê de zimanê Kurdî wek ziman nehatiye qebûl kirin. Vê carê, bi rastî em jî nizanin wê dozger çawa li vê dozê binêre.

Emê çend rojekê din ji bo îfadeyê herin rû dozger. Ka emê bibînin wê çawa dozger ji nav vê doza tevlihev derkeve. Bi rastî em jî pirr meraq dikin.

Ferhengok

Bêwire: Bêezm
Çekên tuneker: Sîlehên îmheker
Çekên navikî: Sîlehên nukleerî
Çêl: Têjik, çêlik
Muşek: Fuze
Nihênî: Nepenî, veşarî, sîrr (gîzem)
Pasevan: Pavan,

nobedar
Pêşande: Hefle (gösterî)
Şande: Nêrde, qasid, mîsyoner
Şayan: Teqdir
Tor û dey: Her dem
Wire: Ezm
Xilafe: Xerifî, zenhimî (bunak)

Nûçeyên Cengê

Navenda Nûçeyan-

16'ê Îlonê 1993: Li çiyayên Agirî û Tendûrekê operasyonên dewletê hefteyeke didomin. Li Agiriyê gundê Çobaneqeska û Zozanê Kulîlkzerê di navbera hêzên dewletê û gerîlayên ARGK'ê de şer derket. Li gorî agahiyan herêmi 33 leşker, 6 timên taybetî û 2 gerîla hatin kuştin. Laşên leşkeran bi helikopteran ve hate kişandin. KURD-HA'yê beyan kir ku, li der û dorê Agirî û Tendûrekê çekên kimyewî hatine xebitandin.

Gerîlayên ARGK'ê saet di 14. 00 de êriş bire ser gundekî navçeya Çermûgê, Kuloxanê 13 cerdevan revandin, eynî roj li navçeya Çingûşê gundê "Birkuyularê" gerîla êrişek bire ser û 19 cerdevan revandin. Li ser sozdayina wan a bi gerîla re, hatin berdan.

Li navçeya Agiriyê Bazîdê, hêzên dewletê şerên du kesan kire sedem û bi panzeran ve li gelê navçeyê gule reşand. Huseyîn Tokal berê hate birîndarkirin û dû re bi panzerê hate perçiqandin, di vî bûyerê de 9 kes jî hatin birîndarkirin.

17'ê îlonê: Di navbera hêzên dewletê û gerîlayên ARGK'ê de li navçeya Diyarbekirê Pasûrê (Qulpê) li hêla Çemê Şekiran şer derket, hêzên dewletê navçe dan ber gulebaranê.

Li Dêrsimê navçeya Pûlûrê (Ovacix) gerîlayên ARGK'ê êriş birin ser Qereqola Zêrangê (Yeşilyaz), 6 leşker hatin kuştin, 2 leşker hatin birîndarkirin. Li Pîlemûrî, gundê "Yolaçiyê" jî di navbera gerîla û leşkeran de şer derket, mamostayek hate kuştin.

Li Geverê (Yuksekovayê), li Yeniköprü û li nêzikahiya Tûnel Çeşmesiyê de gerîlayên ARGK'ê rê birin û efserek (astsubayek) kuştin, çar makîne şewitandin.

18'ê îlonê: Li Diyarbekirê Pasûrê (Qulpê) li gundê Tiyaksê di navbera hêzên dewletê û gerîlayên ARGK'ê de şer derket gerîlayek û çar leşker hatin kuştin. Li Qulpê 9 kes hatin birîndarkirin.

Li Mûşê li gundê Mongokê di navbera hêzên dewletê û gerîlayên ARGK'ê de şer derket 7 leşker hatin kuştin û panzerê hate rûxandin.

Gerîlayên ARGK'ê êriş bire ser navçeya Agiriyê Xamûrê, bi hêzên dewletê re şer derket. Di navçeyê de 10 kes hatin binçavkirin.

Li Diyarbekir, li navçeya Gêlê gerîlayên ARGK'ê êriş birin ser lokala mamosteyan, nasname kontrol kirin û 5 kes kuştin.

Gerîlayên ARGK'ê êriş birin ser navçeya Agiriyê Xamûrê û bi hêzên dewletê re şer derket, kuştin çênebûn, di navçeyê de 10 kes ketin bin çav.

Li Ruhayê navçeya Pîrûsê (Surûcê) gundê Dînlenceyê de du kes jî aliyê gerîlayên ARGK'ê ve hatin kuştin, ev kes di mehkemeya gel de bi muxbiriye ve hatibûn sîcdarkirin. Li Batmanê du panok (bekçî) hatin kuştin, li navçeya Dêrsimê Mêzgîrê (Mazîgîrtê) piştî kuştina 3 gerîlayên ARGK'ê esnaf kepengên xwe girtin.

Li Agiriyê navçeya Bazîdê li gundê "Örtülüye" hêzên dewletê şivanek kuştin, li gundiyan îşkence kirin.

Li Agirî û Tendûrekê operasyon didomin, nêzikî 20 gundî hatine hirşandin.

19'ê Hilonê: Gerîlayên ARGK'ê êriş bire ser navçeya Agiriyê "Taşlıçayê", di navbera hêzên dewletê û gerîla de şer derket. Di

şer de 18 leşker û 4 timên taybatî hatin kuştin. Gelê navçeyê jî ber gulereşandina tîman kepengên xwe girtin.

Li Diyarbekirê Cadeya Înonü de gerîlayên ARGK'ê êriş birin ser pastexaneyekê, 2 leşker kuştin û 4 şagirtên dibistana polîsiyê birîndar kirin.

Li Cûlemêrgê navçeya Çelê (Çukurçayê) jî minîbusa Ali Çiftçi li mayînet ket, bi navê Ömer û Salih Dayan 2 cerdevan hatin kuştin, 7 kes jî birîndar bûn.

20'ê îlonê: Li navçeya Îdirê Aralikê saet di 24.00'an de gerîlayên ARGK'ê (Halk Eğitim Merkezi) Navenda Perwerdehiya Gel dane ber agir, di bûyerê de kuştin neqewimî. Li Çepekûrê (Bingölê) gerîlayên ARGK'ê muhtelek kuştin, li gorî Ajansa Anadolîyê gerîlayek jî hatiye kuştin.

Li Agiriyê navçeya Elaşgirê gerîlayên ARGK'ê êriş birin ser stasyona Radyolîngê ya TRT'ê, stasyon gişt rûxandin. Di navbera leşker û gerîla de şer derket, lê tu kuştin çênebû.

21'ê îlonê: Operasyonên dewletê li Agirî û Tendûrekê derbasî Cûdiyê dibin. Li Cûdiyê hinda Berava, Çiyayê Zêrge di navbera gerîlayên ARGK'ê û hêzên dewletê de şer derket, 13 leşker hatin kuştin, efserek û 10 leşker jî aliyên gerîla ve hatine dîlgirtin. Di şer de gerîlayek hate kuştin, gerîlayek jî hate birîndarkirin.

Li Meraşê komek leşker ên li navçeya Andirîne ku diçûn nehiya "Gebenê" di navbera wan û gerîla de şer derket, bi navê Muharrem Özkan, Hüseyin Karagöz 2 leşker hatin kuştin. Li Ruhayê gerîla rê birî, mixtarê gundê "Sıralarê" Müslüm Şahin kuştin û minîbusa wî şewitandin. Di vî bûyerê de cerdevan û mixtarekî kevin jî hatin kuştin.

Li Dêrsimê navçeya Pûlûrê (Ovacık) gundê "Topûzlarê" gerîlayên ARGK'ê dibistana gund şewitandin.

22'ê îlonê: Li Bilîsê li navçeya Xîzanê li Zozanê Govaltîne di navbera hêzên dewletê û gerîlayên ARGK'ê de şer derket 12 leşker û 10 cerdevan hatin kuştin.

Gundên li ser nahîya Dereyê ne, çend roj in makîneyên wan li ber derê Qereqola Pertaxa Dêrsimê hatiye sekinandin, ên ku diçin hêzên dewletê li ser wan kotekîyan dikin.

Li Îdirê gerîlayên ARGK'ê êriş birin ser şantiyeya rê û depoyên şantiyeyê şewitandin, di êrişê de kuştin çênebû lê xesar zêde ye. Dîsa li Îdirê gerîla 2 avahiyan mektebê şewitandin.

Li Batmanê şervanên ERNK'ê tesîsên TPAO'yê bombe kirin, di avahiyan de xesar çêbûn. Li Agirî 6 cerdevanên jî navçeya Patnosê çek danîn. Li gorî ajansa AA'yê gerîla li gundekî Bismilê êriş birin ser santrala PTT'ê. Piştî êrişê operasyon pêk tên û 4 gerîla hatin girtin.

Li navçeyên Meraşê "Andirin" û "Ekînozû"yê şerê gerîla û hêzên dewletê de 3 roj domand. Li gorî agahiyan 2 leşker hatine kuştin.

Li Erzînganê, li gundê "Çaxlarê" gerîlayek bi destê îxbarkarekî hate kuştin. Li Miksa (Bahçesaray) Wanê 6 cerdevan çek danîn. Li Agirî û Tendûrekê, piştî şerê gerîla û hêzên dewletê, li gundên hawîrdor operasyon dest pê kirin. Li gorî agahiyan jî 7 gundan nêzikî 70 kesî hatine binçavkirin.

HAWAR

Dilbixwîn

Agirî di nava dûmanê de bû

Berî vî bi du rojan, tûristên ku çûbûne Kurdistanê û jî aliyê gerîlayên ARGK'ê ve hatibûne girtin, jî wan hemwelatîyên Swîsreyê gihîştine welatê xwe.

Weke tê zanîn piştî ku, gerîla tûristan serbest berdabûn, jî hêla dewletê ve hatibûne girtin. Bepirsîyarê Ewlekariyê yê herême wiha dibêje wan: "Ne ji bo tûrîzm û pêkanîna lêkolînan, hûn hatine li vir PKK'ê bibînin û biçin li vegeerê propaganda û bangêşiya Apo li Ewropayê û li welatê xwe bikin. Hûn ne tûrist in, hûn terorîst in. Lewrê jî divê em li hev bipirsîn."

Dema ku, tûristên Swîsrî gihîştin welatê xwe, zarokên Kurdan gul û nêrgîzên rengîn hilgirtin, pêrgîni wan çûn û bixêrhatina wan kirin. Di dilê zarokên me de ev mesaj hebû: "Bi navê zarokên Kurdan, ew zarokên di nava agir de dişewitin û bi hesreta azadiyê dinalin, hûn bi xêr hatin."

Wê demê jî wan tûristan, tûristek gava zarokan dibîne, çavên wî tijî hêstir dibin, digirî, carekê li wan, carekê jî li gulên di destên wan de dinêre û serê xwe berdide jêr. Di wê kêliyê de tûrist dixwest vî bibêje: "Guneş û sîcê van zarokan çî ye? Mirov çawa dikare wan bikuje û gulên di destên wan de biçilmîsîne?"

Giriyê tûristê Swîsrî bala hemû rojnamevanan û kameramanan kişande ser xwe. Jurnalîstekî kanaleke TV'yê xwe negirt mîqrofona xwe ber bi wî ve anî û jê pirsî: -Tu çima digirî?

Tûrist dizane çima digirî. Elbet ne dema giriyê ye. Lê dîsa jî neçar dimîne, tiştek jî dest naqede, tenê dikare bigirî. Kesereke kûr kişand û bersivand:

-Ez negirîm wê kî bigirî! Dema ku ez ji Kurdistanê derketim, Agirî di nava dûmanê de bû. Dewleta Tirk Agirî bombe dikir, dişewitand. Dewlet hemû tiştî dide ber xwe. Ji zarokan heya bi dar û beran. Zagona kuştin û qirkirinê li wir bi rê ve dibe.

Haya kesî ji Kurdistanê tune ye. Li wir mirovahî pîrr bi rûmet e, lê dewleta Tirk li Kurdan qedexe kiriye. Kurd di çî rewşê de ne, çawa jiyana xwe didomînin, kesek nizane. Belkî jî naxwazin bizanibin".

Rojnamevan dipirse: -Te li wir çî dît?

-Li vir zarokên Kurdan jî min re gulên rengîn pêşkêş dikin, li wir zarokên Kurdan di ablûqeya mirinê de ne. Di vî cihanê de neheqîyeke mezin li Kurdan dibe.

Bi rastî, bila ez bi mehan di nava gerîla de bûma û rojeke tenê ne li cem dewletê bûma.

-Te Kurd çawa dîtin?

-Kurd însan in. Mêvanperwer in. Min hem sivîlan, hem jî leşkerên wan dîtin, gelek jî welatê xwe hez dikin. Azadiya xwe dixwazin, mafekî rewa ye. Gerîlayên wan jî, ji bo serxwebûna welatê xwe can didin, birçî dimînin, zorê dibînin, birîndar dibin... Di nava berfê de bi rojan dimeşin, ez mecbûr dibim bi rêzdarî li hember qehremaniya wan bisekinim.

Erê, welatê me di nava dûmana bombeyan de ye. Gelo bi qasî tûristê Swîsrî em Kurd li ser digirîn?

Bi Arafat re hevpeyvîn

“Ev ber bi dewleteke Filistînî ve gaveke girîng e”

Nûçeyên Derve—Rojnamevanê kovara **TIME**'ê **Dean Fischer** bi Serokê RRF'ê Yaser Arafat re peyvî. Em vê hevpeyvînê werdigerînin û pêşkêşî xwendevanên xwe dikin.

—We niha peyman aştîyê îmze kir. Dê ji vê û pê ve çi bibe?

Li pêşberî me tengasî gelek bûn. Me ji sifirê dest bi kar kir. Hevûnên bingehîn ên Gazzeyê hatin rûxandin. Me alîkarî divê, ne tenê ji dost û birayên xwe, lê ji kesên ku bi rastî li vê herêmê aştî dixwazin jî. Aştî pêdiviya gelê Filistînî ye, lê li nik vê ji bo Ereban, Îsraîliyan û Amerîka û Rusya jî pêwist e. Hemû hêzên li ser cihanê berjewendiyên wan li vê herêmê hene. Ji ber ku ev herêm ji aliyê petrolê ve dewlemend e.

Ez ji bo pêşerojê bi hêvî me. Serokê Amerîkayê Clinton bi helwestek xweşik li dora min geriya. Hevalên li Washingtonê jî bi dostanî têkilî bi min re danîn. Wek tê zanîn, hevkarîya bi Serokê Amerîkayê re ji bo meşandina vê lihevkerîne pîr girîng e.

—Gelo hûn helwesta gelê Filistînî li hember vê peymanê çawa dinirxînin?

Li her derê pîrozahî hene. Her çi ças hinek rexne hebin jî cara yekemîn e ku, gelê me bi pirranîyek berbiçav bawer dike ku dê li ser erdên Gazzê—Erihayê otorîteyê Filistînî ava bibe. Heta niha gelek mirovan êş û jan kişandin, lê ev tiştêkî normal e.

—Dê bi rêxistinên ku peymanê napejînin re (yên wek Hammase) serêştî çê bibin?

Na, ez ne di wê fikrê de me. Pirranîya gelê Filistînî li hundir û li derveyî welat piştgiyariya me dike.

—Hûn li ser têkiliyên bi van rêxistinên



Yaser Arafat

re çi xebatê dikin?


Em riya diialogê vedikin. Hammase'ê jî bersiva banga min ji bo civîneke li Yemenê da. Ez dixwazim bêjim ku, Şêx Ehmed Yasîn damezrenêrê Hammase'ê dê di demeke kin de bê berdand. Gelê Filistînî ku evqas cangozî dan, divê zirarê nede vê serkeftinê.

—Ev lihevkerîna we ji bo gihîştina encameke erênî dê cesaretê bide dewletên Ereban ku bi Îsraîl re rûniştine?

Urdinê, piştî me bi Îsraîlê re peyman îmze kir. Ez bawer dikim Sûriyê û Libnanê jî dê bigihên encameke bi vî rengî.

—Hûn dibêjin dê ev tişt di demeke kin de pêk were?

Belê, ez wisa difikirim. Lê ev peyman ji bo me jî di riya serxwebûnê de tenê gavek e. Em dê piştî serxwebûnê bi vîna gelê xwe ya serbest bi Urdinê re konfederasyonekê ava bikin. Me xwe li vê



Itzhak Rabin

yekê girtiye.

—Dewletên Kendavê ji bo ku we di dema şer de li nik Sedam cih girt, ji we re bi hêrs in. Hûn niha nişanên baş dibînin an na?

Ez bawer dikim ku, em dê bi wan re rûpeleke nû vebikin. Pêdiviya me bi vê yekê heye. Min hemû hûrdariyên (teferuat) vê peymanê ji Qral Fahd re şand. Sultan Qabûs ê Umman'ê ev agahî dan min, Qral Fahd jî bo piştgiyariya me li dû peymanê bi hemû dewletên Kendavê re ye.

—Hûn piştî ev çend salên malkambax, ji bo berpirsiyariyên nû amade ne?

Xem nexwe, Filistîniyan ji bo birêxistina Ereban gelek salan kar kiriye.

—Hinek kes dibêjin ku, ji bo pêşengên Rêxistina Rizgariya Filistînê (RRF) ên li Tûnûsê ne hêsan e ku, bi kesên li herêmê re koordînasyonêkê ava bikin.

Hûn çawa difikirin?

Haya wan kesan ji têkiliyên me nîn in. RRF nasnameya gelê Filistînê ye. Endamên wê li hundir û li derveyî welat hene. Min peyman îmze kir û desthelatdarî da heyeta Filistînî û şand Madrîdê, lê haya kesî jê nebû. Niha em ên ku ji rêxistinên cihêreng in hemû endamên komîteya rêvebirina rêxistinê ne. Divê ji bo pêdiviyên nû û cihêreng amadekariyên me hebin. Em saziyên nû ava bikin û yên hevî jî xurt bikin.

—Filistîn û Îsraîl dijmînen hev ên salan bûn. Jiyana we di nav şer de derbas bû. Niha çi hat guherîn?

Bi salan in ku, ez banga şerrawestîne dikim. Aştî mirovên wêrek divê. Niha ev kesên wêrek Arafat û Rabîn in. Derxistina şer gelek hêsan e. Lê rawestandina wê û bidestxistina aştîyê zor e. Niha li ser rûyê dinyayê hikmên “Nîzama Nû” dimeşe, em jî dixwazin wek gelên Filistîn û mîletên Ereban bibin hevparê vê nîzame.

—Hîkariya vê hevdiîna veşarî ku li Osloyê çêbû heta kîjan radeyê riya lihevhatinê vekir?

Dema Rabîn û Peres ev tişt pejirandin, riya lihevkerîne bi nîvî vebû.

—Bi rastî jî we bawer dikir ku, dê we yê vê rojê bidîta?

Ez bawermendekî xurt im. Dema balafira min qeza derbas kir du tişt hatin ber çavê min. Tiştê yekemîn dimena birayên min ên hatine kuştin, wek Ebu Cihad, Ebu Liyad û ew ên din. Tiştê din ku min dît mizgefta El Aksa bû. Min got: “Li benda min be ez dê bêm di nava te de nimêj bikim.” Wateya vî tiştî ev bû. Ezê bijîma û li wê mizgeftê dua bikirama.

Wiletaniy Ereban piştîwanî le rêkkewtiniy Gezze—Eriha deken

Encûmeniy Koriy Wiletaniy Ereban le Kobûnewey rojî 20'iy em mange da le Qahîre piştîwanîyî xoy bo rêkkewtiniy Felestîn—Îsraîl derbirî u em rêkkewtîney wiha jimard ke hengawêkiy pêşîneye bo çêbecê kirdiniy bineratiy “Xak le beramberiy Aştî da”, herwiha KWE xwazyariy eweş bû kehengawiy gurg u dirêj le hemû biwarêk da bihawêjê be corê ke kişanewey Îsraîl le Colan'iy Sûriya u sercem xakiy dagirkirawiy Libnan u Urdin desteber bikat.

Serokiy Felestîn Yasir Erefat ke beşdarî em kobûneweya bibû gotiy: “Rêkkewtiniy Gezze—Eriha hengawiy yekeme be rêgay kêşanewey hêziy dagirker li tewawiy xakiy bindeste u Qudîs'iy pîroz da u geranewey penahendekaniy Felestîn le saliy 1948 ewe”.

Emru Mûsa'iy Weziriy Derewey Misir le barey rêkkewtiniy Gezze—Eriha we raygeyarek ke em rêkkewtine hawşaniy biryar—gelî Lutke Erebîye cor be corekane, herwiha witiy ke biryariy sercem em lutkane debejî têkray Ereban la-yeni biryariy serbexoy Felestîn u Rêkxrawiy Rizgarîxwazî Felestîn degirin.

Şayaniy gutine ke têkray wiletaniy

Ereban ew beyaneyan pesind kird ke le layen Yasir Erefat ewe xwêrdayewe tenya Êraq nebe.

Le heran kat da Weziriy Derewey Emrika dawetnamey bo ejmarêkiy zor le Weziraniy Abûrî u Derewey dinya narduwe u daway lê kirdin bo ewey rûbikene Waşington u lewê le mangiy Oktoberiy dahatû da kobûnewe le pênan piştîwanî kirdiniy abûrî le rêkkewtiniy Gezze—Eriha.

Biryar waye ke serokiy Emrika Bil Clinton u Warin Kîstifer'iy weziriy derewê 48 serokiy wîlatan bibînin u han-yan biden bo piştîwanî le rêkkewtiniy Gezze—Eriha.

Le Qudîs da rêjeniy Deste Rast le Îsraîl xopîşandanêkiy saz da le dijîy rêkkewtiniy Ereban—Îsraîl u xopîşanderan diruşmîy “Xakiy Îsraîl le metirsî da ye” yan beriz kirdibuwewe.

Parlemeniyan Êran beyanêkiy derkird u rişway em rêkkewtîney kird, herwiha daway le hikûmetiy Êran kird ke neka le rûy dîplomasiyewe bawer be Îsraîl bihênê. Le rastî da Êran le saliy 1949 da daniy be Îsraîl da hêrawe belam hîç pêwendiyekîy dîplomasiyî legel nebestuwe.

Yeltsin li Rûsyayê darbe kir

Nûçeyên Derve—Serokê Rûsyayê Borîs Yeltsin, roja 21'ê Îlonê di televîz-

yonê de daxuyand ku, wî parlamentoyê fesih kiriye. Yeltsin di axaftina xwe ya televîzyonê de daxuyand ku, ji îro pê ve hemû desthelatdariyên Kongreya Nûnerên Gel, Sovyeta Bilind û mebûsên Kevin betal bûn û dê di 11-12 Kanûnê de hilbijartin pêk werin.

Piştî vê axaftinê parlamento civiya û ev biryar îptal kirin, Yeltsin jî, ji serokkomariyê dûr kirin. Parlamentoyê Aleksander Rustskoy ji bo serokkomariyê wekil tayîn kir. Li ser vê yekê, di parlamentoyê de jî gengeşî derketin. Serokê Kongreya Nûnerên Gel (KNG) Ruslan Hasbulatov ev biryara parlamentoyê rexne kir û ew wek xeletiyê mezî nîrxand û daxuyand ku vê biryarê nas


nake. Hasbulatov ji bo parastina parlamentoyê bang li gel kir û ji parlamentoyê dînyayê alîkarî xwest.

Hasbulatov jî hêzên ewlekariyê ji daxwaz kir ku, vê biryara neqanûnî nas nekin. Serokê KNG'ê jî bo greva giştî li karkeran jî bang kir.

Bi vê banga Hasbulatov re li hin cihan ji bo piştgiyê livbazî pêk hatin. Li der û dorê parlamentoyê nêzîkî 3 hezar kes ji bo parastina parlamentoyê xwepêşandaneke pêk anîn. Dadgeha Qanûnê Bingehîn jî, darbeya Yeltsin li dijî qanûn nîrxand.

Hikûmet, piştî guftûgoyan piştgiyî da Yeltsin. Yeltsin

beriya darbeya xwe îlan bike, Konsolosiya Amerîka'yê jî vê yekê agahdar dike. Dû re Amerîka jî bi beyanekê, piştgiyî da darbeya Yeltsin.



Boris Yeltsin

Greva birçîbûnê qediya

Navenda Nûçeyan- Greva birçîbûnê ya rojnameya Özgür Gündem'ê ku ji bo protestokirina pest û tehdîyên li ser rojnameyê, daxwaza radana wê û windakirina nûçeyana wê Aysel Malkaç, bi awayekî dorvegerî li Komeleya Mafên Mirovan a Stenbolê di 23'yê Tebaxê de li dar ketibû, piştî 31 rojan qediya.

Di 21'ê Tebaxê de li KMM-S (Komeleya Mafên Mirovan a Stenbolê) Cîgirê Berpirsiyarê Giştî yê Özgür Gündem'ê Ferda Çetîn, bi daxuyaniyeke çapemeniyê diyar kir ku, êrîş û pêkutî ne ji kesên nediyar tî, ji walî, midûrê emniyetê û ji polîsan tî. Ferda Çetîn axaftina xwe wiha domand: "Wekî ku hikûmet bûyeran berevaji dîke, ev êrîş ne "kiryar nediyar" in, ji dewletê bi xwe tî."

Ferda Çetîn balê kişand ku, dema hin nûçe di Özgür Gündem'ê de têne weşandin, li dijî wan doz ji aliyê dozgeran ve tî vekirin û ev helwest ji wek biryareke siyasî nîrxand. Cîgirê Berpirsiyarê Giştî yê Özgür Gündem'ê diyar kir ku, ew dê karibin xwe li hemberî êrîşên dewletê yê nû rabigirin.

Ji xebatkarên Navenda Nûçeyan ê Özgür Gündem'ê Sezaî Sarioğlu ji nêrîna xwe diyar kir ku, li herdu welatan ji kesên dijraber (muxalîf) hene, di dema greva xwebirçîhiştinê de ev yek xwe daye nîşan û bi vî livbazîya xwe di dîroka çapemeniyê de livbazîyek



Greva birçîbûnê ya Gündem'ê di roja 31. de qediya.

cihêreng dane. Her wiha di dawiyê pest û pêkutîyan de Gündem ji riya xwe averê nebûye û hê ji weşana xwe didomîne.

Hunermend Ferhat Tunç jî, Gündem'ê wek dengê gelê Kurd nîrxand û bêdengmayîna raya giştî ji protesto kir. Li ser navê Sendikaya Çapemeniyê Alman ji ku ji bo dozên li dijî rojnameyê hatine vekirin bişopînin hatine Stenbolê, Rudolf Burger dane nîşan ku, ji bo protestokirina radana Gündem'ê li vir in û radana rojnameyê ji wek bêdengkirina hêzên demokratîk nîrxand.

Li gorî ku hate daxuyandin, dê ji bo dîtina Aysel Malkaç serî li Komîsyona Mafên Mirovan a Ewropayê ji aliyê ebûqatên Gündem'ê ve bê dayîn û amadekariyên ve serlêdanê didomin.

Aysel Malkaç di 7'ê Tebaxê de li nêzikî navenda rojnameyê ji hêla polîsên sivil ve hatibû girtin û heta niha jê hay û agah nayê standin. Her wiha hêzên emniyetê ji girtina wê ya ji aliyê polîsan ve napejiñnin.

DAWEYÊN GÜNDEM'Ê TALOQ BÛN

Sê daweyên ku ji bo radan û ceza-

kirina rêvebirên Gündem'ê hatibûne vekirin, li ser daxwaza ebûqatan ku ji bo parêzîyê muhlet xwestin, hatin taloqkirin.

Dozên ku li dijî rojnameya Özgür Gündem'ê hatibûn vekirin, bêrawestan didomin. Di 21'ê Îlonê de li Stenbolê li Dadgeha Ewlekariya Dewletê ya Stenbolê -2'yan sê dozên din li hemberî Gündem'ê û li hemberî berpirsiyarên nivîsaran ê kevin Işık Yurtçu, xwediyê wê Yaşar Kaya ku niha li Enqereyê girtiye û İsmail Beşikçi vebûbûn, li ser daxwaza ebûqatan hat taloqkirin. Ebûqatên rojnameyê ji bo parêzîyê ji dadgehê dem xwestin.

Hersê dozên ku vebûne, cezakarîna berpirsiyaran û ji 3 rojan ta mehekê rawestandina weşanê dixwazîn taloqî 11'ê mehî Mijdarê ya sala 1993'an bûn.

Di dadgehên Gündem'ê de piştgirî û çavdêriya saziyên demokratîk û çapemenî yê Ewropî tevî xwendevan û alîgirên rojnameyê balê dikişand. Hin ji heyet û berpirsiyarên saziyên demokratîk û çapemeniyê ev bûn: Ji Yekîtiya Sendikayên Alman Rudolf Burger, ji Delege yê Sendikaya Çapemeniyê Beate Berg, Serokê Yekîtiya Rojnamevanên Alman Hans-Otto Wiebey, Nûnerê IFJ'ê, ji Holandayê Leena Pauky, ji Baroya Londonê û Projeya Mafên Mirovan a Kurdistanê Ebûqat Jane Connors.

Zanîngeha Azad bi fermî damezirî

Navenda Nûçeyan- Unîversîteya Azad (Özgür Üniwersîte) ku sala par li Enqere dest bi çalakîyên xwe kiribû, bi awayekî fermî hat damezrandin. Mureceata ku hefteya berê li walîtiya Enqere hatibû kirin, hat pejiirandin.

Di nav damezranêrên Zanîngeha Azad de Dr. İsmail Beşikçi, Doç. Dr. Yalçın Küçük, Dr. Fikret Başkaya û Dr. Kadîr Cengîzbay hene. Li gorî daxuyaniya nivîskî ya Komeleya Pêşvebirin û Avakirina Zanîngeha Azad, ji bo serokatiya Zanîngehê Dr. Fikret Başkaya hatiye hilbijartin.

Armanca damezrandina Zanîngeha Azad wiha hat daxuyandin: "Ji bo pêşveçûna zanist û xebatên zanistî bi awayekî serbest, ji navê rakirina hemû astengên hiqûqî li pêşîya hilberîna zanistî, ji bo pêşvebirina akademîk, zanistî, entelektuelî ya endaman û ji bo Zanîngehê karîbe li gorî armancên xwe bixebite, vekirina rê û başkirina rewşê."

Li Zanîngeha Azad, ne dîploma tê dayîn û ne jî azmûn (îmtihan) têne kirin, di gel vî yekê xebatên xwendevanên, tezên wan, semîner û performansên wan girîng tî dîtin.

Di daxuyaniya nivîskî de tê diyarkirin ku, amadekarî ji bo avakirina fakulteyekê li Stenbolê tê kirin. Her wiha dersdayîna mamosteyan jî, li gorî dildarî tê kirin û mesrefa wan jî bi alîkariya xwendevanan tê temînkirin. Qeydên pêşîn di 20'ê Îlonê de dest pê kirin û dê hîndekarî jî di 15'ê Cotmehê de dest pê bike.

Mezintirîn pişkinîniy çek le Iraq da

(Sorani)

Nûçeyên Derve- Netewe yekgirtuwekan hendê firokey hêlikopteriy bo Êraq henard, em firokane kerestey taybetîyan legel daye bo pişkinîniy û dozînewey tişkiyî nawkeyî.

Bexda, kariy em firokaney diwaxist ta ew katay dilniya debê le barey ewey em firokane tişkiyî Lêzer bo kuştîniy Sedam be kar nahênin.

Ew komîteyey taybeta be damalîniy çekiyî tûnaker le Êraq,

niyaziy waye pitir le 100 pispor legel kotayî hatîniy em mangewe binêrête Êraq. Şayaniy gutine ke em komîteyey lem maweyeda gewretirîn kariy pişkinîniy le Êraq le diway şeriy kerdawewe, encam dedat.

Netewe yekgirtuwekan le dile-rawkey ewe daye ke Êraq nizîkey 100 mûşegiy coriy Scod'iy şardotewe.

Pisporaniy UN şergermiy ewen şiwênîy çekiyî kîmiyawî û nawkeyî le Êraq be yekcarekî bidoznewe û lenawîyan biben. Eme

le layek le layekiy tirewe le sere-tay mangiy dahatû da Ralif Ekiyos serdaniy Êraq dekat û legel Tariq Ezîziy Cêgiriy Serokwezîraniy Êraq dekewête wituwêjewe le pênew dananiy çawdêriyeki dirêjxayen le ser twanistiy çekdariyî Êraq.

Le layekiy tirewe kompaniyey newtiy Kiwêtiy 4 hezar milyon dolar qerziy le ser Êraq kirduwe be mal û bemeş sercemiy ew qerzaney le diway dagîrkirdîniy Kiwêtewe dikewne ser Êraq debête 200 hezar milyon dolar.

26 qaçaxçî qetil kirin

Welat, Hewlêr- Roja 18'yê Îlonê li Hewlêrê Wekilê Wezîrê Karê Avakirîniyê bi êrîşeke kiryar nediyar hate birîndarkirin.

Li gorî nûçeyê rojnameya Kurdistanî Nwê, Wekilê Wezîrê Avakirîniyê Teyîp Abdulcebar şeva 18'yê Îlonê li ber Hotêla Kutika Bakir ji aliyê hin êrîşkaran ve hate gullebarankirin. Teyîp Abdulcebar bi vî êrîşê birîndar bû.

Li gorî agahiyan, kesên êrîşkar ajanên Sedam in.

Roja 22'yê Îlonê li ser sînorê başûr û bakurê Kurdistanê di du bûyeran de 25 qaçaxçiyên Kurd ji aliyê hêzên dewleta Tirk ve hatin

qetilkirin. Bûyera yekemîn şeva 21'ê Îlonê li berava Qerewila diqewimî. Dema ku grûbek qaçaxçî di sînor re derbas dibin, dikevin kemîneya leşkerên Tirk û heşt kes ji wan tî kuştin. Êvara 22'yê Îlonê cenaze anîn Zaxoyê. Çar kes ji wan jî herêma Soran, çarê din jî Behdînanê ne. Kesên ku ji aliyê leşkerên Tirk ve li ser sînor hatine kuştin navên wan ev in: Hesen Spîndarî, Husên Dozki, Azad Dihokî, Emer Sindî, Şulî Broskî, Bostan, Enwer, Mihemed û Mesûd Mangêrkî jî birîndar e.

Li aliyê din, eynî şev li rasta gundê Dûrnasê grûbek qaçaxçiyên

din jî ketin kemîneya leşkerên Tirk. Ji vî grûbê jî 18 kesên din hatine qetilkirin. Ji vî grûbê yekî birîndar niha li nexweşxaneyê Dihukê radizê. bes dîsa polîsên hikûmeta Başûr nehiştin ku em xwe bigihînin nexweşxaneyê da ku em jê agahdariyên dorfirehtir bistînin.

Di 22'ê mehê de saet li derdorê heşt û nivê êvarê komek qaçaxçiyên din ketin kemîna leşkerên Tirk. Bûyer li gundê Toqyan nêzikî Silopî li ser sînor qewimî, 4 qaçaxçî hatin kuştin. Cenazeyê wan di destê leşkerên Tirk de ye û navên wan nehat hînbûn.

Peyivînek bi çavan

Azad Kiliç

Mirovê diltenik, nikare her tiştî ragire. Weke çawa qîzek ji xortekî dil digire û pê re dilopek germ diniqute nava wê. Binyada kesan, heta radeyekê xwe kontrol dike, li piştî radeyekê êdî ew ne ew e, tê guherandin û dibe tiştêkî din.

Rojek ji rojên jiyane bû, weke rojên din xwe dubare dikir. Germa havîne, havîna Kurdistanê weke dojhê bû. Îsal zad dereng hatibûn çinîn. Her sal kesên xizan ji xwe re li zad digeriyan. Lê îsal hinekên din jî digeriyan. Ne xizan ne jî badik bûn. Xwedî mal û xwedî zad bûn.

Li devê derî rûniştibû, jinek û sê zarok. Jinikê digot: "Em ne feqîr in, lê dewletê gund û zadên me şewitandin; em jî weke we xwedî mal bûn."

Gava çavê min li çavê wê ket, ji nişka ve mûyên min gurzî gurzî bûn. Weke ku yek ava sar li min bike. Heta wê gavê qala şewitandina gundan dihate kirin, lê ji min re weke xewnekê dihat. Yek ji wan gundiyan ku gundên wan şewitandibûn û sê zarokên wê niha li ber çavên min bûn. Cara pêşî min rûyê xwe jê vegehand, lê bi dû re min li nava çavên wê nihêrî. Bi çavan min got:

-Merheba dayê

-.....!

-Tu bi xêr hatî.

-Xêra Xwedê li te be.

Bersiveke sar. Ez fikirîm, ka jê çi bipirsim. Êdî bi hezaran jinên Kurd bûbûn koçer. Ev jî yek ji wan bû.

Ji warê xwe bidûrxistin, ji kuştinê jî diwartir bû. Jinikê got:

-Kesên ku mirin ji xwe re xelas bûn. Lê yên mayî...!?

-Ën mayî!?

-Erê, yên mayî jî li bajarê, du-sê mal li ser hev û din, di xaniyekê de ne. Hinek jê, di kolanên bajarê de bê xanî mane.

-Hûn?

-Em jî...

Zarokên bi terbiye, ji rewşê û tevgera xwe diyar bûn. Ez fikirîm. Gelo jinên Kurd gişt wiha ne? Peyva wan li rû, peyva wan ji dil.

-Mêrê te...?

-Mêrê min û qîzeke min di şewitandina gund de birîndar bûn, li nexweşxaneyê ne.

Wer xuyabû ku debara

her roj li ser zarokên xwe xwîn digirî. Li hember deverên din stûxwar e. Lewre rojekê xwe, bi zarokên xwe re derbas nekiriye.

Jinikê got:

-Belê.

-Erê lawo, kurmê darê ji darê ye, yan na dê qedera me ne wiha bûna.

"Kurmê darê ji darê ye", gotinek bi bingeh. Zarokati-

min qala koça pêşmergeyên Kurdên Başûr ji me re dikir, digot: "Ev roj li pêşiya me ye jî". Niha ez difikirim ku, tecrûbeyên kevin, bêşik ji bo pêşerojê dibin neynik.

-Niha kes ji we dikare her gund?

-Na; yê ku diçe ji hêla leşkeran ve tê girtin. Têr jî kutanê dixwe û di rewşa mirinê de ew berdidin. Hin ji wan jî dimirin. Di televîzyonê de jî dibêjin "Terorîst hatin kuştin." Çavên jinikê li cihekî eliqîbûn, nizamim bi çavan difikirî? Lê na; çav bi dil dişewirî, dil û mejî têkiliyek danîbûn. Mejî hêdî hêdî di xewê re diçû. Biranînên jinikê xwe didane der, dema qîzaniya xwe dihanî bîra xwe. Wê dilketibû xortekî. Di ciwaniya mirovan de dilê mirov dipeke, yê wê jî dipekiya. Hirbiya keskesor li serî, xuşîna guliyên sor, hişê xortan ji serê wan dibir. Bejinzirava dilpekî, di ber xwe de wê stranê digot:

Çiyayê Kurdistanê şîne
Konê bavê min rebena
Xwedê

Li ser çar stûne
Delalê dilê min, vê sibehê
zûwer ba min, meşkê bidel-



malê ew dike. Di civaka Kurdan de, dema mêr bimire, jin li ser zarokên xwe rûdin. Ango xwe emirqufî dike. Gava ku mirov li ser vî tiştî difikire, dîroka gelê Kurd jî tê bîra mirov. Ev fedekariya jinan, bûye temîna hebûna gelê Kurd jî. Jinik:

-Me ev edet ji bav û bavpîrên xwe ditiye. Cihê mêrê lê tune be, jin mêrê malê ye.

-Li gorî min bihîstiye, li cem we cihên ku leşker digirin ser, xanî û gundan dişewitînin, dest diavêjin namûsa xelkê jî?

-Hinek keçên me, ji bo xwe ji vê yekê biparêzin, xwe ji zinaran avêtin, hinek derketin serê çiyê û bûne şervan. Êdî namûsa me di dilê me de ye. Em li ku dijmin dibînin, kirinên wan tene bîra me; nayê ji birkirin...

Jiyan çiqas ecêb e. Niha mêrê xwe yê li nexweşxaneyê difikire. Birîna wî xedar bû. Gelo ew rewşa ku tê de ye qedera wê bû? Kê zanibû ku dema ji diya xwe bû, dê tekeve vî halî. Belkî, diya wê zanibûna ku wê di vî halî bikeve, ew çenedikir.

Ev cografyaya birîndar,

-Tu bi galegal î, bav û bavpîrên me jî di vî halî de jiyanê xwe derbas kirin. Ma Cemilê Çeto nayê bîra te? Heyfa mêrê çê, egîde mêrxas...!

ya min hate bîra min. Dengbêj di stranên xwe de her ji bîskê digotin: "Erêê xayîn..."

Ev ne koça pêşî bû ku, bi serê Kurdan de dihat. Bavê

Daxuyanî

Welatparêzên hêja!

Ziman û çanda me, şaxek ji dara Kurdistanê ya neteweyî ne. Şaxa ku xwîne dide giyana Kurdayetiyê û pê bihara wê geş dibe û dixemile. Bê çawa hebûna mirov bêlaş û giyan nabe, wisa jî netewe û welatek bêçand û ziman nabe.

Ziman hêlîna dîrok, tore, ramiyarî û çandê ye. Ziman pêdiviyeye jiyanê ye, jiyan û hebûn bêtê wê nabe, hebûn bi xwe ye.

Bi sedan salan dijminên Kurd û Kurdistanê giraniya şerê xwe dane ser zimanê Kurdî. Lê dîsa jî gelê me yê qehreman, dayik û bavên Kurd bi gernasî ziman û hebûna me parastine. Şkeft û berqefên Kurdistanê ji bo me bûne parastgehên hebûnê. Mîna her koçberên dîrokî, îro jî ev çiyayên pîroz hebûnan diafirînin. Di wan şkeft û bergêfan de plan û programa damezirandina Komara Kurdistanê tê danîn.

Gelê Kurd ê welatparêz ê li Ewrûpayê!

Pêngaveke din êdî em digihin serxwebûn û azadiya xwe. Gavên vê dawiyê ku me bêveger avêtine, dawiyê bi şahiyê diqedînin. Xewnên kûr ji tariya şevê xwe dirêj ronahiya rojê dikin û bi rastiye şa dibin. Şoreşa Kurdistanê êdî fêkiyên xwe yek bi yek jê dike. Ji bo ku em layîqî mirovahiya xwe bin, pêwîst e em bibin layîqî şoreşa xwe. Em xwe ji bo Komara Gelê Kurdistanê amade bikin. Di her hêlî de em xwedî li xwe û li nirxên xwe yên neteweyî derkevin û di serî de em xwedî li zimanê xwe derkevin. Lewre zimanê me hebûna neteweya me ye.

Zarok hêviya pêşerojê ne. Dil û cegerê me ne. Kezeba me ya ku li ser erdê dimeşe zarokên me bi xwe ne. Her tişt jî bo wan tê kirin. Zarokên me gulên hebûna me ne. Bi hev re emê wan bi şîrê Kurdayetiyê mezin bikin. Bi zimanê dayika wan mezin bikin. Ew zimanê ku bi mêhtina şîrê dayika xwe re fêr dibin, emê zarokên xwe li ser çand û toreya xwe mezin bikin. Wan biparêzin û bibin xwediyên wan.

Ji bo alikariya we, ji bo xwedîderketina li zarokên we, Yekîtiya Mamosteyên Kurd (YMK) ava bûye. Piştgiriya mamosteyên xwe bikin. Ji bo ku zarokên we bibin hêviya pêşeroja we, bibin kulîlkên Kurdistanê we. Bi hev re emê gulên gulîstana xwe, hêviya jiyana xwe, zarokên xwe bi şîrê Kurdayetiyê, bi ziman, tore û çanda Kurdî mezin bikin.

Yekîtiya Mamosteyên Kurd

Neq



Hûrkolîna li ser mirovan ji ya li ser pirtûkan pêwisttir e.
La Rochefoucauld

Were ser riya heq...

Tê gotin ku, dema nefikirina Ermeniyên (li aliyê Semsûrê gel dibêje "Dema Qelfe" ji ber ku, Ermenî ref bi ref nefikirine.) serdestên Tirkan ferman dane ku, kesên neyên ser riya heq, ango ser riya ola Îslamê wê bîn kuştin. Li ser vê yekê, yekî bêhiş ji gundiyan Semsûrê Ermeniyekî cinarê xwe dike bin xwe, kêrê dide stuyê wî wiha diqêre: "Kafir were ser riya heq, yan na ez dê serê te ji laşê te bikim." Mêrikê reben ji tirsê dilerize, wiha dibersivîne: "Ezbenî riya heq bêje ez werim ser!" Gundî bersivêke bi vî awayî napê û bêhteng dibe, dibêje: "Wele viya ez jî nizanîm, bes divê ferman bê cih."

Îro rewşa gelek nivîskarên Tirk jî dişibe rewşa wî gundiyan. Bi xwe li ser pirsgerêka Kurdî tiştêkî nizanîm, lê ji bo fermana serbazên artêşa Tirk bînin cih zorê didin xwe. Niha piştî ewqas şewrê fêhmî dikin ku "li gorî agahiyên çewt, şirovekarî kirine. Berpirsyarê rojnameya Hürriyet'ê Oktay Ekşi bitirs dibêje: "Dibe ku, rêvebirên dewletê heta niha agahiyên çewt dabînin me." Li ser vê yekê şewirmendê Demîrel ê kevin û sernivîskarê Turkish Daily News'ê İlnur Çevik jî dibêje ku, wan ev rastî ji mêj ve aniye ziman, ji ber ku,



desthilatdarên dewletê her tim li ser dawîlêanîna PKK'ê dabaş dikin, lê ev tişt çêna-be. Her ku, "hêzên ewlekariyê" li hember gel çewt dilivîn, têkiliyên wan bi PKK'ê re xurt dibin. Lê ev zîlam ji neheqbûna dewletê qet na-kevin gumanê. Ji lew re jî, di nava lehiya çewt liviyên dewletê de, tenê çend kirinên "hêzên ewlekariyê" bala wan dikşîne û dixwazin bi wan rexneyên biçûk xwe ji gunehên şerê qirêjî bifilitînin.

Ew tînegihîjin ku, dema serî gêj be laş bi rêkûpêk nameşe û hemû zîlm û zordarî di bin çavdêriya sermezînan

wijdan bêmêzînan de pêk tînin.

Di şerê azadîxwaziya li hemberî mêtîngêhkarîyan de, hinek seretayên bîngêhîn hene. Yek ji van jî ev e, di gel gelek nebaşîyan hinek başiyên dijmin jî digihîje mirovan. Çewt livînan hêzên dijmin bi kêrî mirovan tê û kesên neheq zehf çewtiyan dikin. Ev tiştêkî xwezayî ye.

Divê ev nivîskar li ser nas-kirina mafên gelê Kurd ên neteweyî bifikirin, ne li ser qedandina PKK'ê. Yan na ew nikarin xwe ji xeletî û kujariyên şerê qirêjî bişon û ew dê bi ber lehiya şoreşa gelan bikevin.

S. Berbang

TÎR

Musa Anter



Armanca Apê Musa

Di agirkerên hov û paşverû dareke me ya azadiyê birrîn. Her gav fêkî dida, zivistan, payîz jê re tune bû. Tim bihar bû. Li rûyê me Kurdan dibişirî.

Apê Mûsa gihîste armanca xwe ya pak. Ket nav karwanê pakrewenan û ji wan re serokatîyê dike. Fêkiyên wî tu car naqedin. Heya gelê Kurd bijî fêkiyên wî ziwa nabin.

Di xelasbûna gelê me de jî wek xelasbûna her gelfî, du cure rê hene. Yek jê lûla tivingê ye, ya din jî pênuş e. Herdu bi hev re gel radike ser piyan. Îro li Kurdistanê me ya şîrîn ev herdu rê jî dijmin xistine bin tirseke mezin. Dijminê me hov e. Şarezahî û mirovahiya nedîtiye. Û nikare xwe li ber şerê tivingê bigire û di tengasiyê de ye. Dixwaze vê tengasiya xwe bi êrîşkirina ser mirovên bêçek, veşêre.

Berî her tiştî em Apê Mûsa bêçek nahesibînin. Ew bi çek bû. Lewma dijmin jî wî tirsîya, ew şer-

Apê Mûsa, mirovekî pir mezin bû. Mezinahiya wî, heya neviyê wî yê di dergûşê de hebe jî ew dê her hebe. Ramanên wî, rê li ber me vedike, dê vebike jî. Agirê di dilê me de wî pêxist, ev agir pêl dide, dê bide jî.

Bila Roma bêbext û tirsonek vê rastiya zanibin. Yên ku bi şerê çekdarî nikarin, bi Apê Mûsa jî nikarin. Ev şer, şerê gel e. Şerê rizgariyê ye. Dê heya dawiyê bidome. Ev jî tiştêkî xwezayî ye.

je qatîl kontrgerîla an jî hizbîkontra ye. Ez dibêjim qey wezîrê komara Tirkî, dixwest vê bibêje: Edî rûyê wî negirt bibêje "Ev kûçikên me ne". Malek bi navê kûçikê xwe bê nasîn, ev mal jî dibe mala kûçikan. Ji serok û xwediyê van dipirsim, "Ne wisa ye?"

Apê Mûsa, mirovekî pir mezin bû. Mezinahiya wî, heya neviyê wî yê di dergûşê de hebe jî ew dê her hebe. Ramanên wî, rê li ber me vedike, dê vebike jî. Agirê di dilê me de wî pêxist, ev agir pêl dide, dê bide jî.

Bila Roma bêbext û tirsonek vê rastiya zanibin. Yên ku bi şerê çekdarî nikarin, bi Apê Mûsa jî nikarin. Ev şer, şerê gel e. Şerê rizgariyê ye. Dê heya dawiyê bidome. Ev jî tiştêkî xwezayî ye.

Edî gelê Kurd hişyar bûye. Riya xwerizgarkirinê fêr bûye. Xaka ku Apê Mûsa li ser hate dinyayê, avî bû. Dar û ber bi xwinê tîne avdan, birîna van daran jî bo mêtîngêhkarî neçare ye. Wan rihên xwe di erdên Kurdistanê de berdan e.


Gotina min jî gelê Tirk re jî ev e: Nekevin defika dewleta xwe ya hov, ev ne riya felatê ye.

Gelê Kurd dê her bijî, azadiya me jî nêzik e. Bergîdana hertiştî heye, ya azadiyê jî pakrewenî ye. Û şehîd namirin.

Jan Gîr

Jûjî...

Doğan Güzel



Hebûna Partiya Demokrasiyê di meclîsê de tê munaqêşekirin

DEP di pêvajoyeke girîng de

Navenda Nûçeyan—Rêvebirên Navenda Partiya Demokrasiyê û serokên DEP'ê yên bajarên roja yekşemê ji bo biryareke girîng li Enqerê dicivin. Dê di vê civînê de li ser pest û pêkuyên li ser DEP'ê bê rawestîn, şertên nû bêne nirxandin û bernameyên têkoşîneke berfirehtir bê guftûgokirin.

Di vê de ji bo awayên têkoşînê du dîtin derdikevin pêş. Yek ji van, vekîşîna mebûsên DEP'ê ji parlamentoya KT'ê ye. Ev dîtin bi pirranî ji aliyê hêz û kesên ku ne di nav DEP'ê de ne tê pêşkêşkirin û di nav pirranîya endamên DEP'ê de aligir nabîne. Di nav DEP'ê de bi pirranî mayîna di meclîsê de tê pejirandin, lê ji bo berfirehkirina têkoşîna demokrasiyê li ser têkoşînên cihêreng


ji tê rawestîn.

Bi kuştina Mehmet Sincar û girtina Yaşar Kaya re, Partiya Demokrasiyê mecbûr ma ku, politikayên xwe ji nû ve binirxîne. Ji bo rêlibergirtina êrîşên dewletê yên li hember DEP'ê û hêzên demokrasiyê û ji bo tesbîtkirina politikayên nû di hemû qadan de guftûgoyên girîng pêk tên. Dîtinên cihêreng, ji aliyê hêzên cur be cur ve tene pêşkêşkirin. Tev pîrsa "divê DEP çî bike" munaqêşe dikin. Hêzên ku ne di nav partiyê de ne, dibêjin bila mebûs bi lez ji meclîsê vekîşin. Rêvebir, mebûs û endamên DEP'ê bi pirranî li hember vekîşîna ji meclîsê dertên.

Dawî dê endam û rêvebirên DEP'ê biryara vê yekê bidin. Lê ji bo em xwendevanên xwe ji dîtinên cihêreng agahdar bikin, me dîtinên gelek kesan girtin û niha van dîtinan pêşkêş dikin.

İsmet Şerif Wanlî

Qetilkirina rewşenbîr û mebûsên Kurd li Tirkîyeyê cinayetên tertîpkirî ne. Ev du sal in ku, ev cinayet didomin û bi destê organeke dewletê



İsmet Şerif Wanlî

tên kirin. Dibe ku, ev organ di nav artêşê de ye. Divê Kurd û dostên wê yên Tirk bersiva van qetlîaman bidin. Bi dîtinên min, pêwîst e ku mebûsên Kurd bi xurtî ve pîrsgirêkê bixin rojeva parlamentoyê. Kurdên li Ewropa û yên li Amerîkayê jî, ji bo teşhîrkirina vê terora dewletê lazim e bilivin.

Divê xwîna şehîdên Kurdistanê bêceza nemîne. Eger ku dewleta Tirk ji bo girtin û cezakirina van qatilan tiştê nekîr, divê Kurd bi xwe edaletê binin cih. Pêwîst e ku Kurd vê pîrsgirêkê bibin ber saziyên navneteweyî jî.

İsmail Beşikçi

Terora dewletê zêde dibe. Di terora dewletê ya ku li hember gelê Kurd, rojnameya Özgür Gündem'ê û DEP'ê tê pêkanîn de hilkişîneke tund tê xuyakirin. Di vê pêvajoyê de DEP dikare hin metodên berxwedan û protestoyan pêk bîne.

1. 17 mebûsên DEP'ê di-



İsmail Beşikçi

karin xwe ji parlamentoyê bidin alî. Wê hengê ji bo mebûsên kêm wê hilbijartinek çêbibe. Ji herêmên mîna Ammed, Şirnex, Îloh, Mêrdîn, Mûş, Wan û Sêrtê ku hin hevalên din bînin hilbijartin û careke din werin meclîsê, ji aliyê siyasî ve tiştêkî pîr girîng e; yanî wateya vê helwestê ji aliyê siyasî ve mezin e.

Sondaxwarina mebûsên nû-hilbijartî, bi rastî problem e. Mebûsekî Kurd lazim e li gor Qanûnê Bingehîn a Tirkîyeyê sond nexwe. Ji ber sondexwarinê, mebûsên Kurd dikarin ji parlamentoyê bînin dîtin. Divê mebûsên Kurd ji bo vê jî hazir bin.

Ger dewleta Tirk li bajarên Kurdan nikaribe hilbijartinê li dar bixe, ev jî, ji aliyê siyasî ve xwedî wateyeke mezin e.

Dema xwe ji parlamentoyê bikîşînin, mebûsên Kurd dikarin raya giştî ya Kurd Tirk û dinyayê ji sebebên vê rewşê agahdar bikin.

2. Mebûsên DEP'ê dikarin dev ji parlamentoyê berdin û DEP jî nekeve hilbijartinê. Ger hilbijartin bînin protestokirin û li Kurdistanê beşdariya hilbijartinê %50 kêmîr bibê wê hengê wê bê qebûlkirin ku, mebûsên ji partiyên din nikarin gel temsîl bikin. Ev rewş jî, ji hêla siyasî ve xwedî wateyeke mezin e.

3. Mebûsên DEP'ê dikarin xwe ji parlamentoyê venekîşînin, lê wê bêrawestîn protestoyan bikin û bibêjin. "Ta ku ev û ev şert neyên cih em nayên parlamentoyê..." Di pêvajoya protestoyê de dikarin li ser hemû kirin û politikayên dewletê yên li hember gelê Kurd û saziyên demokratîk danezaneke xurt biweşînin. Ger di vê pêvajoya protestoyan de, mebûs ji parlamentoyê bînin dîtin û ji mebûsiyê bînin avêtin jî, ji aliyê siyasî ve dibe xwedî wateyeke mezin.

DEP ji van her sê xalên li jor bêdudilî kîjan pêk tîne bila bîne, wê dewletê bêxe nav rewşeke dijwar. Di van şertan de dewlet wê bi pey mebûsên DEP'ê bikeve, kesên din bêxe navbera xwe û wan da ku mebûsên DEP'ê bi berdewamî herin meclîsê.

Ahmet Akkaya (Mîdûrê Navenda Nûçeyan ê Özgür Gündem'ê)

DEP bi armanca ku ew gemaroya (ablûqaya) HEP bi xwe jiyabû bişikêne hate avakirin. Her çiqas DEP, bi taybetiya naveroka xwe ku ji




Ahmet Akkaya

çend hêzên Kurd hatiye pê, zorê dida gemaroyê jî; lê gemaroya dewletê ya hiqûqî û der-hiqûqiyê neşikand. Zêdekirina zemînen qanûnî li aliyê din, nehiştin ku wan biparêze jî. Li gorî van encaman DEP ketiye tengasiyekê.

Bikaranîna kursiyê meclîsê em deynin aliyê din, piştî kuştina mebûsê Mêrdînê Mehmet Sincar ketin rewşeke wisa ku, nikarin herin herêmên xwe yên jê hatine hilbijartin. Ji ber vê yekê, ji bilî ku di nav gel de xwe xurt bike û berê xwe bide qadên qanûnî tu şansêkî wê nîn e. Ji bo wê ne hêvîbirin û ne jî rewşa niha rêga (alternatîf) ye. Tek çare, ji nû ve di nav gel de xwe xurtkirin û pêşi meclîs, zordayîna hemû qad û waran e.

Munîr Ceylan (Serokê Giştî yê Şendîqaya Petrol-İş'ê)

"Hebûna DEP'î bi têko-



Munîr Ceylan

şînê hatiye bidestxistin"

Bergîdana bidestxistina mafên demokratîk û azadiyê li tu derê dinyayê ne biçûk bûye. Li welatê me jî bîyî dayîna bergîdanên (bedêlên) mezin kes nikare bifikire ku bigihîje armançêkê.

Weke hemû gelan, gelê Kurd-jî, ji bo bikaribe bibe xwedî maf û azadiya xwe, divê bi vî awayî ji xwe bawer, bi biryar, bi rêxistindarî dikare têkoşîna xwe bidomîne.

ROJEVA WELÊT

Têkoşîneke bi hêztir divê

Partiya Demokrasiyê (DEP) roja yekşemê ji bo biryareke dîrokî, li Enqerê civîneke bi giştî pêk tîne. Dê di vê civînê de, rêvebir û serokbajarên DEP'ê, ji bo politikayên nû dîtinên xwe pêşkêş bikin. Di vir de, tiştê girîng, vekîşîna ji meclîsê yan jî mayîna tê de nîn e. Tewra girîng ew e ku DEP politikaya xwe bi giştî û ji nû ve binirxîne, kêmasî û nexweşiyên xwe tespît bike û ji bo têkoşîneke bi hêztir refên xwe zexim bike.

Bi tundkirina êrîşên ser DEP'ê û hêzên demokratîk re, li Tirkîyeyê demeke nû dest pê kir. Dewlet di çareserkirina pîrsgirêka Kurdî de, ji xwînrîjîyê pê ve rê nas nake. Niha jî berê xwe daye hêzên ku di warên demokratîk de têkoşînê dikin. Di vir de hedefa mezin DEP e. Kuştina Mehmet Sincar û rêvebirên partiyê, girtina Yaşar Kaya diyar dike ku, dewlet dixwaze DEP'ê ji qada demokratîk tecrît bike. Politikayên ku li hember van êrîşên dewletê dê bêne tespît kirin jî, divê li gorî wê bin. Di vî warî de jî karê girîng ê DEP'ê ye. Îro, ji her rojî bêtir pêdivî bi yekîtiyê heye, ji bo wê jî divê hêzên demokratîk li hev bicivin û piştgiriyên xwe xurttir bikin.

Di vê pêvajoya ku DEP di amadekariya tesbîtkirina politikayên nû de ye, bi giştî hemû hêzên demokratî û kesên pêşverû xwe tevî ve guftûgoyê kirin. Her yek li gorî xwe li dû pîrsa "divê DEP çî bike" digere. Di nav hêzên ku dibêjin bila DEP ji meclîsê vekîşe de jî dîtinên cihêreng xwe diyar dikin. Lê divê neyê jibîrkirin ku, ev hêzên li derveyî DEP'ê, weke vê partiyê bi êrîşên dewletê re ne rû bi rû ne Lewre jî dê biryara rast dîsa ji nav DEP'ê derkeve.

Tevî vê em bawer in ku, dê dîtinên hêz û kesên cur be cur, li ser vê mijarê nêrînen xwendevanan ron bikin. Bi vê baweriyê jî, em van dîtinên cihêreng pêşkêş dikin.

PÊNÛS



Amed Tigrîs

Butçeya veşartî

Bi salan in ku li Tirkiyeyê û Kurdistanê rêxistina kontrgerîla tê munaqesekirin, "Gelo rêxistina kontrgerîla heye, an na?" Rêxistinên Kurdan û hinek çepên Tirkan digotin: "Kontra heye û ew bi xwe di nav hêzên hikûmet û dewletê de ye." Hemû hikûmetên ku hatin û çûn û ya niha jî di nav de digotin û dibêjin: "Kontrgerîla tune ye. Li Tirkiyeyê demokrasî heye û her tişt vekirî û zelal e. Ev îdiaya parvekar û terorîstan e..."

Di diziya Waliyê Stenbolê Hayrî Kozakçioğlu de Serokkomarê Tirkiyeyê Süleyman Demirel mecbûr ma û mudaxele kir. S. Demirel ji bo ku Kozakçioğlu paqij derxe, wî jî diziyê rizgar bike û skandalê bigire mecbûr ma axivî. Di bingehê xwe de S. Demirel li medyayê gef û gur xwar. Tirs li wan afirand. Bi van gef û gurên S. Demirel re rêxistina kontrgerîla êşkere bû. S. Demirel wiha dibêje:

"Ev pereyê ku Walî Hayrî Kozakçioğlu ji Diyarbekirê aniyê û li Stenbolê di bankayan de razandiye an jî mesref kiriye ne yê diziyê ye. Butçeyê me ya veşartî heye. Ev butçe di destê serokwezîr de ye. Ji derî serokwezîr yek pê nîzane. Pereyên vê butçeyê jî di xizmeta waliyê super (qesta wî waliyê kolonyalist e ku li Diyarbekirê ye) de ye. Erk û berpirsiyariyên walî heye ku butçeyê bikar bîne. Ne parlemento û ne jî Dadgeha Qanûnê Bingehîn nikare der heqê butçeyê de hesab ji serokwezîr û walî bipirse. Ji ber vê yekê divê medya dev ji walî Kozakçioğlu berde. Ez berpirsiyarê vê yekê me..."

Serokkomar bi devê xwe îtiraf kir. Xwedî û cihê butçeya kontrgerîla serokwezaret e. Butçeya bi taybetî di nav butçeya serokwezîr de beşek e. Bi dizî ye. Ne parlemento û ne jî dadgeh nikarin mudaxele bikin. Rojname û TV jî nikarin behsa vê yekê bikin. Hesabê vê butçeya hanê bipirsin. Ev diyar dike ku li Tirkiyeyê kî bibe serokwezîr, direkt dibe berpirsiyarê herî mezin ê rêxistina kontrgerîla.

Di nav Kurdan de gotinek heye ku dibêjin: "Devê şeytan di salê de carekê li heqiyê digere." Lê devê Demirel di 30 salan de carekê be jî, li heqiyê nagere. Lê di 30 salan de carekê îtiraf dike. An jî dema dikeve tengasiyê mezin hinek gotin jî devê wî dişiqitin. Ev gotina butçeyê jî wiha ji devê wî şiqitî, an jî şimitî. Lê, dîsa wekî ku devê wî bişewite.

Edî ji bûyera kontrgerîla re şîrove û dokument ne pêwîst in. Serokkomar bi devê xwe îtiraf kir. Xwedî û cihê butçeya kontrgerîla serokwezaret e. Butçeya bi taybetî di nav butçeya serokwezîr de beşek e. Bi dizî ye. Ne parlemento û ne jî dadgeh nikarin mudaxele bikin. Rojname û TV jî nikarin behsa vê yekê bikin. Hesabê vê butçeya hanê bipirsin. Ev diyar dike ku li Tirkiyeyê kî bibe serokwezîr, direkt dibe berpirsiyarê herî mezin ê rêxistina kontrgerîla. Her wiha bi vê yekê re S. Demirel hem butçe û hem jî berpirsiyarên kontrgerîla yek êşkere kir. Ew jî serokwezîr bi xwe ye. Yê din jî bi xwe derdikevin holê. Ev serokkomar û serokleşkerên Tirkiyeyê ne.

Ew rojname û kanalên TV'yê yê ku diziya Walî Kozakçioğlu derxistin holê, li ser gef û gurên S. Demirel sukût bûn. Dengên xwe birrîn. Dîtin ku darê zorê heye. Ordî di nav kar de ye. Kontrgerîla bi xwe ji aliyê serokhikûmet û serokdewletê ve tene îdarekirin. Medya Tirk bi gotina Demirel, xwe weke butçeya xwe ya veşartî veşartin. Weke ku ew nebêjin û nenivîsin. Xwe telandin. Ji xwe bi salan in ku, demokrasîya medyaya Tirk û ronakbîrên Tirk bi îcaze ne. Ew jî derî derew û fortan nikarin tiştê bibêjin û binivîsin. Bêyî îcazeta sêalî nikarin fikrên xwe bibêjin û binivîsin. Ew divê ji serokwezîr, serokkomar û serokleşker îcazeta bigirin. Borîzanên dewletê ne. Azadî û demokrasîya wan di destê van hersê dem û dezgehên de ne. Tirpê wan borîzaniya Kenan Evren dikirin. Pêr ya Turgut Özal, par ya Süleyman Demirel û îro jî ya Tansu Çiller dikin. Hem jî li ser navê azadî û demokrasîyê. Li ser navê mirovên modern û Ewrûpî. Li Tirkiyeyê jî derî du tiştan her tişt dibin. Ew jî silametî û demokrasî ne. Ev li ba wan tu carî nebûye û nabe jî. Heta ku siyasetvan û ronakbîrên wan ev bin!

Kurdzan Dr. Rûdenko û Evdalê Zeynikê

Dr. Rûdenko li ser ziman û wêjeya Kurdî gelek xebatên hêja çêkirine. Di nav wan de ya herî bi nav û deng xebata wê ya li ser Feqiyê Teyran e. Berhema Feqiyê Teyran a bi navê Şêx Senan bi xebata wê derkete holê.

Seid Hesta

Ez wiha difikirim, Kurd ji aliyê hebûna çandî û wêjeyî ve parake mezin deyndarê dengbêj û çirokbêjên xwe ne.

Divê em vê jî tu car jî birnekin ku, bapîrên me gelek tiştên hêja nivisandine û ji me re hiştine. Lê sed heft û mixabin, dijminan nehişt em wan bixwînin. Erê xwendin û nivisandina gelê me çiqas kême be jî, dengbêj û çirokbêjên mîna Çiyayê Agirî serbilind, bi zargotineke dewlemend, ev valahiyê dagirtine û bi vî awayî jî çand û wêjeya me li ser piya rawestiyaye.

Zimanzan, dirokzan û wêjexana Sovyetî Dr. Margarîta Borîsowa Rûdenko di navbera salên 1950-55'an de bi dewlemendiya çand û wêjeya Kurdan dihesê, digere bi çavên xwe dibîne. Dema vegere wiha dibêje: "Li Rojhilata Navîn çî genciyeke sergirtî heye ev çand û wêjeya Kurdan e." Bi vî awayî jî pesnê çand û wêjeya Kurdan dide.

Demalî Muzeya Lenîngradê hinek berhemên Meleyê Cizîrî, Feqiyê Teyran û helbestîstê bi nav û deng Ehmedê Xanî bi dest dixê, ji bo baş fêrbûna Kurdî tê, li nav gundiyanê Kurd ên li Ermenîstanê demekê dimîne. Piştî tekûzkirina Kurdiya xwe diçe lê hûr dibe. Dr. Rûdenko li ser ziman û wêjeya Kurdî gelek xebatên hêja kirine. Di nav wan de ya herî bi nav û deng xebata wê ya li ser Feqiyê Teyran e. Berhema Feqiyê Teyran a bi navê Şêx Senan bi xebata wê derdikeve holê. Ev canika hanê di gel hemî pisporiya xwe, bêyî alikariya Qanadê Kurdo ev xebat nake.

Her çiqas ev nav jî bo gelê Kurd ne biyanî be jî, ez bi çend peyvên dixwazim qala wî bikim. Qanadê Kurdo, ji Kurdên Ermenîstanê ye. Ji aliyê çand, wêje û dirokê ve pisporekî mezin e.

Dr. Rûdenko li ser kilam û stranên Kurdan jî xwediyê zanabûneke fireh e. Radyoya Kurdî ya Ermenîstanê derheqê wê de wiha digot: "Li Polonyayê li ser çand û wêjeya gelên Rojhilata Navîn ci-

vînek hebûye. Li wê derê gelek pispor derketine, zanînen xwe pêşkêş kirine. Ev zanyara hanê jî derketiye pesnê wêjeya Kurdan daye û weha gotiye: "Li Rojhilata Navîn gelek, neteweyek heye, ew bi stran û kilamên xwe hem dilanan (dawetan) li dar dixin, hem jî şîne dikin." Wê hengê hemû pispor li çavên hev dinêrin, bawer nakin ku, Rûdenko qala Kurdan dike, cîwarên wan nîşan dide".

Ez dixwezim piçekî liser dengbêjên Kurdan ku Rûdenko pesnê wan dide rawestim. Dengbêjên Kurdan ên bi nav û deng gelek in, lê ez dixwazim ji van yekî herî navdar, Evdalê Zeynikê bidim nasîn.

Evdalê Zeynikê 120 sal berî vê jiyabûye. Ew dengbêjê Sûrmelî Mehmed Paşa bûye. Li ser her mijarî stranê rastine, di xweristê (xweza) de çî bala wî kişandiye bûye mijara stranên wî. Ew di nav gel de rûspanî û serbilindiya mîrê xwe bûye. Ji aliyê dengbêjiyê ve tu kesî nêwêribûye li hemberî wî. Lê, rojekê Mir bihistiye ku, keçeke êzîdîyan, keçeke bedew bi dengbêjiya xwe gelek nav û deng daye û di gel de tê gotin ku, ev keçê zora Evdalê bibe. Mir zehf qehiriye û çend siwariyên xwe şandine pey, wê vedixwîne dîwana xwe ji bo dengbêjiyê. Navê keçikê Gulê ye. Piştî çend rojan Gulê tê dîwana Mir. Evdal û Gulê dest bi hevceribandîne dikin.

Evdal: "Gulê canê Gulê canê şemaoka bostanê."

Keçê dîne xwezila min tu tîxista ber mala giranê.

Gulê wayê Gulê wayê lê Gulê çavê te ji min re reşbelek in,

Bejna te tayê rihanê, ji min re bi qayde ye.

Dîwana Sûrmelî Mehmed Paşa cihê mîr û hekîman e.

Ez çûme mêvaniya mala bavê Gula xwe Gulê canê

Tarihana serê çiyane, Silêvarka devê Gola Wanê.

Xwezila wez bibûma malxwey, tu bibûya bermalî. W'ezê bême mala bavê te xas mexmer e,

Ji min re çêke birincê çiyayê Qilincê,

Cot çîçikên xwe biavêje ser e.

Gulê canê Gulê tarihana dev geliyanê, silêvarka Gola Wanê."

Gulê bi rik lê vedigerîne: "Evdal mala te şewitiyo di de me xweş dide me,

Çavê min reşbelek in, bejna min ji te re tarihana devê çem e..

Devê min hubir e, zimanê min ji te re qelem e

Kuro dîno, li gor perdeya devê xwe pipeyive,

Wez pîrek im, tu zilamî, nabe ez bibêjim;

Ez bergêdanî heftê bavê te me, hîn zêde me."

Bi vî awayî çend roj diborin, yek nikare zora yê din bibe. Piştî çend rojan ji nişkav ve çavên Evdalê kor dibin.

Ev mînak bi tenê nîşan di de ku pesnên Rûdenko li cih e.

Çinara bilind

Çinara azadiyê,
xemxwarê êşên gelê xwe
û hemû mirovahiyê,
avakarê Enstîtuya me,
evîndarê xaka xwe û şehîdê Kurdistanê
MUSA ANTER emê te ji bîr nekin û
pênûsa te li erdê nehêlin.

Kargerîya Enstîtuya Kurdî ya Stenbolê



Gelê Başûr NÇM hembêz kir



NÇM'ê bala jinên ji başûr jî dikişand ser çalakîyên xwe



Koma Mezopotamya ya NÇM'ê ya Hewlêrê jî beşdarî şahiyan dibû

Avesta

Welat/Hewlêr—Türneya Navenda Çandê ya Mezopotamya (NÇM) di 16'ê Îlonê de li Zaxoyê bi kêf û şahiyê mezîna ve qediya. Tûrneya 28'ê Tebaxê de dîsa li Zaxoyê dest pê kiribû. Di çalakîyên NÇM'ê de gelê Başûr pêwendî û kêfê mezîna şanî endamên NÇM'ê dan.

Navenda Çandê ya Mezopotamya li ser protokola ku di nav wan û Hikûmeta Federal a Başûr de hatibû çêkirin, ji aliyê hikûmetê ve hatibûn vexwendin. Qefileyê NÇM'ê li 14 cihên Başûr pêşande (hefle) yan çêkirin. Qafileyê NÇM'ê ji Koma Çiya, Koma Amed, Ganî Nar, Şanoya Jiyan û ji Koma Serhildan a Govendê pêk dihat. Her wiha di çalakîyên NÇM'ê de endamên NÇM'ê ya Hewlêrê jî cihên xwe standin.

Pêşandeyên NÇM'ê ya Stanbolê li bajar û navçeyên Hewlêr, Silêmaniye, Helepçe, Kifri, Çemçemal, Ranya, Koysincaq, Şeqlawe, Rewandîz, Amadiye, Dihok, Zaxo û hwd. li dar ketin. Di pêşandeyan de bala gelê Başûr bêhtir govend û şano dikişand.

Car caran di şahiyan de jî 56 hezarî bêhtir gel beşdar dibû û bi çêşê mezîna, bi mirûzeke bilind gel xwe di pêşandeyan de dida nîşan.

EM ENIYA ÇANDÊ NE

Piştî qedîna çalakîyên NÇM'ê me li ser armanca pekanîna van çalakîyan bi Berpirsiyarê Qafileyê û ya NÇM'ê Filiz Oğuz re hevpeyvînek kir. Pirsên me bersivand. Oğuz armanca pekanîna çalakîyan wiha vedigot: "Têkoşîna ku li bakurê Kurdistanê bi pêş ve diçe, em jî tê de wek eniya çandê cihê xwe digirin. Armanca me ew e ku em li her parçeyên Kurdis-

tanê şax û liqên NÇM'ê vekin, rewşenbîr, humermend û nivîskaran ber bi hev binin, çanda Kurdî navendî bikin. Di vê çarçoveyê de me li Hewlêrê şaxekî Navenda Çandê ya Mezopotamya vekir. Em dixwazin bi van çalakîyên xwe yên çandî hem pêşiya şaxa Hewlêrê vekin û hem jî têkoşîna bakurê Kurdistanê bi gelê me yî Başûr bidin nasîn."

Ji Berpirsiyarê NÇM'ê Fi-

xwe. Lê ji ber ku tu hêviyê xurt nedane gel, bêhêvîbûnek li ser gel peyda bûye. Gel jî pêşeroja xwe ne bawer e. Ji aliyê teşeyî (şekî) ve her çiqas taybetîyên Kurdî li ser xwe bidin nîşan jî, li ser kesaniya wan bandora Ereban tê ditin. Bilî ve bandor û hikariya avahiyên siyasî jî li ser wan heye. Hê jî bandora Sedam li ser gel heye, bi hikûmeta Federal re jî tu guherîn çênebûne. Di civaka Başûr de tirali, bêhêvî-

Başûr jî balê dikişîne ser bandora çanda Tirkî. Oğuz dibêje ku, ta niha li ser Başûr hikari û bandora çanda Ereb, Fars hebû, niha jî ya û Tirkî peyda bûye. Li Başûr mûzîka erebêkî di rewçê de ye. Ev jî bi navgîna hunermendên wek Îbrahîm Tatlıses û Emrah dibin ku bi koka xwe Kurdî in, lê bi Tirkî distîrên. Oğuz li ser vê mijarê nêrîna xwe wia bilêv dike: "Ev ne bi tenê bi destê hunermendan e, politîkaya

me û programên baş amade bikin. Di dawiyê de jî vê mesajê daxuyand: "Fersendeke dîrokî ketiyê destê Başûr. Ev sal û nîvek e hilbijartin çêbûne. Hikûmet ava bûye. Berpirsiyariyê mezîna li ser mile siyasetvanan e. Divê di her warî de xebatên mezîna bêne kirin, seferberî bêne îlankirin û Hikûmeta Federal divê ne bi tenê ji bo parçeyêkê, lê ji bo her çar parçeyan be".

LI BAŞÛR TESÎRA ÇANDA TIRKÎ

Endamên Navenda Çanda Mezopotamya ya şaxa Hewlêrê jî beşdarî çalakîyan bûbûn. Li ser vê tûrneyê me ditînin û nêrîna wan jî xwest. Serokê şaxa NÇM'ê ya Hewlêrê Zagros Agirxwîn pirsên me bersivand. Agirxwîn li ser armanca NÇM'ê rawest, da diyarkirin ku parastin, hêvişandin û pêşvebirina çanda Kurdî armanca wan e, her wiha li Amedê (Diyarbakir), Edenê û li Hewlêrê Şaxên NÇM'ê ya li Stanbolê vebûne. Li ser avakirina şaxa Hewlêrê jî wiha got: "Çanda Bakur û Başûr jî hev dîr ketine, Hezên mêtîngêkar di vê hêlê de bi ser ketinê. Armanca me jî holê rakirina astengên li pêşiya yekkirina çanda Kurdî ye. Çanda Başûr pîrr dewlemend e, lê ketiyê nav hewayê de jêrîyê. Li vê heremê êrişê çanda Ereb, Fars û Tirk heye. Îbrahîm Tatlıses, Derwîş, Feyrûz û Nasir Rezaî bêhtir tîr guhdarî kirin Em dixwazin cewhera ku di çanda me de heye derbixin û li dijî çanda dagirkerî li ber xwe bidin, tîbikoşin."

Zagros Agirxwîn, di dawiyê de jî daxuyaniyên xwe wiha berdewam kir: "Ji bo yekîtiya Çanda Kurdistanê divê her çar parçeyên xebatê bikin. Ev erkên xwe yên neteweyî binin cih.



Koma Çiya di şahiya Silêmaniye de

lîz Oğuz dide xuyan ku ji ber hin kêmasîyan pêşande wek dilên wan pêk nehatine. Lê dîsa di her keys û fersendê de bi gel re ketine tîkiliyan, bersiv dane eleqeyên wan û Bakur bi wan dane nasîn.

Oğuz pîrsa me ya der barê têkoşîna Başûr de jî bersivand, daxuyand ku serê çendîk û çend salan e li Başûr têkoşîna heye, gel bi mirina xwe beşdarî nav têkoşîna bûne lê, serok û pêşengên têkoşîna zêde hewl nedane xwe, her wiha daxwazên gel jî nebersivandine. Oğuz wiha didomîne: "Li başûrê Kurdistanê gel bi hezaran rabûye ser

bûn, bêmirûzbûn xwe bi dayarî dide nîşan".

'GEL BÊHÊVÎ YE'

Filiz Oğuz li gorî jî me re vegot, ji bo armanca berhevanîna xebatên çandî, hunerî, ji bo her çar parçeyên welat nedîtine. Bêhtir xebat jî bo Başûr heye û gelsên aborî di ser hemû gels û pirsgerêkan de dibînin. Berpirsiyarê NÇM'ê dide xuyan ku, her çiqas mijarên aborî girîng bin jî divê li pêşiya xebatên çandî û hunerî nebe asteng û her wiha çî barê ku bikeve ser milê wan dê ew binin cih.

Li ser talûkeya jî bo çanda

dewleta Tirk e jî. Nivîskar û hunermendên ku çand û nîrxên Kurdî wek nîrx û çanda Tirkî didin nîşan li Başûr pîrr tîr hezkirin. Hin mirovan jî me re vedigotin: "Em de peyker (heykel) ên Yaşar Kemal û Ezîz Nesîn li vir daçikînin". Ev tiştêkî pîrr cidî ye. Divê li serê bê rawestin. Em dixwazin ji Başûr re diyar bikin ku ew kesên li wir tîr hezkirin li Bakur tu rûmeteke wan li ba gelê Kurdî nîn e". Di dawiyê hepeyvîna xwe de Oğuz dide diyarkirin ku jî vê tûrneyê gelek sûd û kelk girtine, bûne xwedî tecrûbe, hevdu naskirine û dê di pêşerojê de berna-

Frankfurt di Festîvalê Kurdan

J. Espar/ Frankfurt- Nêmey şew ra pey otobusey ma Kurdanê Swêdî Hamburg ra viyarti. Rayîrî xalî û şew bêveng a. Zafîneya rayanê na şewa bêvengi Kurdî. Heme welatanê Ewrûpa ra cenî û camêrd, pîl û şinik hinzarayan reyra Kurdê Ewrûpa rayan î. Rayanê azadî û serbestey. Bochum ra pey emsar zî Kurdî benî mêmânê Frankfurtî. Do Frankfurt di zî veyndî "Wa biciwiya Kurdistan!"

Otobusanê Kurdan tê dimî nabî. Otobusê xemelnayey to vatîni veynî estorê veyekan î. Şonî veyek hewelnenî. Namey veyekî Kurdistan a. Şarê festîvalî eynî sey şardê veyvî cilê xwinê wedarthey, cilê xwinê roşanî pira girewtîbî. Ewro roşan bi, roşanê Kurdan. Nizdî Walstadionî, parka otobusan di çend sey otobusî rêz bibî. Ne vernî yîni asaynî ne zî peynî. Şoforê mawo Swedij: vano "Mi heyatê xwi di ehendey otobusî filiman di zî nediyî."

PROGRAM DEST PÊ KENO

Şarê festîvalî, parka otobusan di dest bi govendî girewtîşî keno. Xortî xwi wenî. Ez vaja des, şima vajê vîst komanê govendî ay cay xwi ro daynî. Vengê dayîran yîni tê ro pêşaynî û tilîliyan asmênê Frankfurtî seqnaynî.

Seet des û nê ra pey şar hêdî hêdî ver bi berandê stadyum ra şênî. Kesî her bi eştîni nêkewtinî ard. Hema ca mêrdimî, mêrdimî û hewna mêrdimî... Tarîxê Kurdan di, Ewrûpa di ehendey Kurdî yew stadyum di caran nêameyî têhet. Yew ceniya Soran ewniyay milletî ra û mi ra persay, vat: "Nika ehendey Kurdî biramî Estambul ser nişnî Estambul çend seetan di zeft bikî?" Raştey cê mi nêzana ez ti ra se vajo, la belê yew çi eşkera bi; ehendey mêrdimî eke biwazî se vajî kenî.

Festîvalê Frankfurtî heme hewayan ra cematê Kurdan temsîl kerdinî. Hetî ra kes şeno vajo no festîval mînyaturê cematê Kurdan bi. Festîval di heme hîrê lehçey Kurdî (Zazakî, Kurmanckî, Sorankî) qisey binî. Festîval di Kurdê elewî, sunî, êzîdî û ateist pêrû piya bi. Her çi qas ki zafîneya şardê festîvalî Kurdê Vakurî bi zî la belê heme cayanê Kurdistanî ra Kurdî ameybî festîval. Şima Dihokijan, Hewlêriyan vanî, şima Afrînijan, Mahabatijan vanî, kam çinêbi ki! Heta binî ra zafîney partî û organîzasyonê Kurdan bi çend tenan reyra zî bibo, ameybî festîval. Cora zî no festîval yew platformo Kurdano millî

bi.

Semedo ki zaf sexlet bi, programî di seetî berey dest pê kerd. Programê festîvalî bi orkestraya Koma Berxwedan dest pê kerd û bi grubanê folklorê Kurdan, Tamîlan, Keldaniyan, Yewnaniyan û bi grubanê muzîkî ey Afrîqa, Kuba dewam kerd. Dengbêjê sey Ferhat Tunç û Beser Şahîn zî program di bi.

MÊMANÊ NAMEDARÎ Û MESAJÊ SEREK-WEZÎRAN

Programê kulturî ra şarî festîvalî lomey kerdinî. Çimkî nizdî se hinzarî, mêrdim amebî pêser. Program gore bê nê festîvalî nêbi. Çido xam çinê bi. Diyalogê dengbêjan û komanê muzîkî şarî reyra gelek tanî bi. Şarê festîvalî

no ki Kurdan waredê diplomaşî di zî gelek menzîl girewto. Kes hêvî kenî ki Kurd û Dîna do hêdî hêdî yewbinan fahm bikî.

Prof. huquqî Goran Bunsdorff (Serekê Federasyonê Aştiya Fînlanda), zaf weş qisey kerd. Û waşt ki, Ewrûpayî bikewî mabênê dewleta Tirkan û PKK'ê. Yê bi xwi zî waştinî ki, heze pêardox na mesela ser o bixebeto.

Senatorê Belçîka Hugo Rompaey, qisekerdişê xwi di vatîni "Generalê Tirkan ganî qetilkardişê Kurdan ra fek veredî. Kurdî terorîs niy î. Hetanî peyniya na seserri ganî Kurdî azad bi. Ez hetanî peynî no leji di şima reyra ya. "Parlamentera Îsvîçre Angelina Frankhauser zî, qisekerdişê xwi di zilm û zordareyda Tirkan ser o derg û

fahm nebîbi. Lord Avebury (Parlamentê İngilistanî) dest bi qisan kerd û behsê şehîd biyayîşê Mehmet Sîncarî kerd. Na mesela ra pey heway festîvalê vuriya. Millet sloganan rê sur bi. Adir fêkdê yîni ra varaynî. Spikerî sloganî vatîni û şarî vê dim a vatîni: "Biciwî Serok Apo."

PRESS KONFERANS

Mesajê erşawitoxê festîvalî zî, şardê festîvalî rê xumî bi. La belê ana asaynî keyfê şarî ameynî. Persa Kurdan zî hinî binî persa paytextanê Ewrûpa. Helmut Kohl (Serekwezîrê Almanya), Richard Weizsackerî (Serekdewletê Almanya), Juan Carlosî (Qralê Îspanya), Carl Bildtî (Serekwezîrê Swed), A. Huberî (Serekê Parlamentoya Îsvîçre) û sewbî gelek serekwezîranê e-

festîval di qisey kerdîbi, pêru norûdorey mesule ERNK di der heqdê pirsê Kurdan di fikrî xwi vat û cewabê persanê rojnamevanan da. Yew rojnamevan mesulê ERNK'ê ra persay, vat:

Yew hetî ra Kurdistan di lej esto, heta binî ra şima tiya festîvalan virazenî; govend gênî, deyîran kenî nê kontrastî ti senêhewa îzeh kenî?

Mesulê ERNK'ê vat:

La şima vanî ma roşî, biberimî? No festîwal zî yew parçey lejî yo. Şarê me serhildanan di govend gêno. Ma mecbur î, merg û heyatî pê reyra bifikirî.

Yewna rojnamevanê Almaniy ay mesulê ERNK'ê persay: Ana aseno persa Filistinîjan di Amerika însiyatîf girewt û mesela yîni hel kerd. Mesaladey Kurdan di kam dewletî şena yew însiyatîfo anasarên bigêra, mesela Almanya senê na?

Mesulê ERNK'ê vat:

Ma bawer kenî ki meselay Kurdan ganî Kurd bi xwi hal bikî. Hetanî ewro yew devlet zî mesaladey Kurdan ser o çi nekerdo. Devletêka anasarên zî ewro nêasena. Mesaladey Almanya ser o kes şeno tayna çiyar vajo. Almanya hetanî ewro ver a Kurdan destey Tirkîya biya. Çekê ki Kurdî pey kişênî, zafîneya yîni çekê Almanya bi xwi yî. Ebi no hewa Almanya suçdar a.

Heta binî ra Almanya semedo ki, ma nê festîvalî nêvirazî çi dest ra amewo kerd û nika zî, şima ra aseno hinzarayan reyra polis û eskeranê Almanya dormarey ma girewto.

Eke nê tedbirî semedê pawitîş û emniyetê ma bibîni ma ka yîni rê sipas bikî. La belê şima ra, aseno ki mêmânê ma rehet nêvardanî. Sînorê xwi pêrû padayî ki, Kurdê welatperwerî nêri festîval.

Muxabîranê Tirkan hetanî peynî press konferans goştarî û warîştî şî. Do hewna zuran û negan bikî Kurdan.

Mesajê Serekê PKK'ê Abdullah Öcalanî peynîda festîvalî di ame. Şarê festîvalî mesajê Öcalanî vengdê yê ra goştarî.

Festîval nêmey şewi ra pey bi rispênay qediya. Şarî hinî Frankfurt ra xatir waştîni. Frankfurt di zî yew derbi daybî dewleta Tirkan ro. Aw semed ra keyfê yîni ca di bi.

Kam çi zano beno ki, ma festîvalê hîrîni pêrû tê reyra Diyarbekir di virazenî. Ayê ki mi zaf xeyalperest veynenî wa biney bifikirî! Kamî pane serrî ra ver bawer kerdinî ki, se hinzar Kurd Frankfurt di yeno têhet.



Şarê ma rayna Festîvalê Frankfurtî di yeno wêynayîş

şima çendi vajî ehendey geş bi. La belê ne koroy û ne zî dengbêjî gore bê zerrîba yîni nêbi. Nişaynî xîtabê yîni bikî. Helbet no ware di rolê xişneyda stadyumî zî bi. Temaşekerdoxan sehne weş nedîni. Çaxo ki programî dest pê kerd, stadyum di tanî cayê vengî asaynî. Hetanî peynî zî nê cay ge ge pir bi, ge ge zî nêbi. Çimkî da-vîst hinzar ten timi teber ra bi. Qorrî şîni, qorrî amaynî, turîbinî sey qula mijloran timi bi hereket bi.

İngilistan ra, Belçîka ra, Îsvîçre ra, Fînlanda ra, Yewnaniyan ra û gelek welatên binan ra parlamenterî, senatorî, profesorî ameybî Frankfurt. Mêmânê festîvalî namedar bi. Nê mêmânan ra fahm binî dostê Kurdanê erjiyayey estî. Hewna ana ase-

dila vindertî. Tira pey zî waşt ki, dewleta Tirkan PKK reyra roşa û dewa Kurdan safî bika. Medico Internasyonal ra Hans Branscheidt, Parlamentera Yewnaniyan Elîzabeth Papazoî, Profesorê Unîversîta Essexê Kevin Boyle zî festîval di, der heqdê mesela Kurdan di fikrê xwi vat û paşt day lejê Kurdan.

XEBEREY ŞEHÎD BIYAYÎŞÊ MEHMET SÎNCARÎ YENA

Spikerê festîvalî wexto ki, na xebera nêweşî anons kerd bermî qirikda yê ro pêşa û nişay peyniya qisandê xwi biyaro. Şarê festîvalî dest bi sloganan kerd: "Pirodî gerîla pirodî, Kurdistan virazî!" Na slogan yew deme vajiyay û tira pey sloganê binî amey. La belê mesela rind

yaletanê Almanya mesaj erşawitîbi. Çaxo ki namey nînan waniya gelek kes şaş mend. Yew hetî ra Almanya semedo no festîval nêviraziyo gurey gureyî kerdî, heta binî ra mesajan erşawena. Têkilî diplomaşî neqşên î.

Partî û organîzasyonanê Kurdistanî Vakurî hemîni mesajî erşawitî bi. Nê mesajan ra tena mesajê Serekê PSK'ê Kemal Burkay waniya.

Der heqdê festîvalî di mesulê ERNK'ê yew press konferans virast. Çend hebî televîzyonê Almanya, rojnamey Tirkan, Kurdan û ey Awrupayîjan ameybî press konferansî, Komîtay festîvalî semedo ki rojnamevanî rihet bixebetî heme çî hadire kerdîbi. Faks û telefonî weş xebetaynî. Mêmânê ki



Ji evîndarê re name!

Seyîf Çiya

...ez jî wek te, teyreke bêbirîn û bêhêlîn...
wek deryayeke bêkelek... bêxwedî û wek
êvareke bêşefeq bûma.

Xewên min bêkabûs... dilê min bêkeser
bûya

Ez sebiyekî sêwî, evîndarekî bêfedî, laşekî
bêmejî, serxweşekî serserî û qewmekî bêserî
bûm.

Emrê min bi sedan sal, dilê min wek
çiyayekî kal bû.

... di zîndan de, sebra min wek çoleke
beyar, di laboratuwarên zilmê de hişê min
bênepar bû.

Her wekî ku tu jî zanî... hêrsa min...
bahozeke payîzî, germeke havînî û alaveke
bêşewq bû.

Dilê min car caran wek Birahîmê Heskê
Grîdaxî, car caran jî wek Seyîd Rizoyê
Mûnzurî, wek Besêya ji Eşîra Qoçgirî, car
caran wek keça Aşûrî, Margireta Behdînî bû.
Ew gul, ez jî bilbil bûm.

Sofiyekî bêhiş, şêxekî bêdergeh, feqiyekî
bêqible bûm. Teyrekî baskşikandî û şêrekî
birîndar bûm.

Di şikeftên çiyân, bin kevirên çolan de, li
ber siya pelan diwaneyek bûm.

Di pirtûka Xanî de Mem, di ya Fizûlî de
Mecnûn bûm. Navê min di nav hinek qew-
man de Spartakûs, di nav hinekan de jî
Ferhad bû.

... qêrînek bêdeng, lalekî bêferheng
bû(m)...

Ne 'felsefe', ne 'îdeoloji'... ji derdê min re
ne derman bûn!

Kulîlka Tebaxê, wek gulleya ewil... wek
zelzeleya dîrokê... mayînên mejiyan, aşê
birçiyân, ava tiyan... kula sedsalan...

Evîna veşartî... Axa bi xwîn şûştî... Xewnên
şevan... Xeyalên koleyan...

Min te nas nekiribû. Navê te nizanibû,
bêhna te, keziyên te nedîtibû...

Lê, di çirok û kilam, keser û destanan de,
te bihîstibû. Qala te dikirin pîr û kalan...

Bêdîtî, bêxebardan, bêbêhnkirina... zana
û mezinan...

Min ji te hez dikir bi evîneke îlahî...

Sal û qîrn derbas bûn... Roj û şev geriyân,
hêvî bû berf û baran li asîman. Bextê reş veg-
eriyâ... Civat rûniştin li ser peymanan, qeyda
dil û mejiyan şikiya.

Xezal, tu...? Bejna te awirên te...? Wek
tîrekê, wek gulleyeke serserî... Wek deryayeke
bêbinî... Helbestek bêserî...

Lê çavên te...? Çavên te...? Wek qendîl...
Ne qendîla şevan... ên tixûban. Tixûbên şarî-
taniyan. Wek çiyayên Kurdistan, xeta dilê
mirovan, veqetandina destê gelan, dûrbûna
roj û şevan, ferqa tarî û ronahiyan... kesera
feqîrên evîndaran.

Li ber wan... wek sêwiyekî belengaz, ez...
wek derwêşekî bêşaz, evîndarekî bêşaz.

Min çok şikand li ber te... Bi lava... lê bi
rûmet; 'têm çavên te... çavên te...'

AZADÎ

Abdurrahman Durre



Zeyneba Zer

Mele diçe îznê, ji gundiyan xwe re dibêje: "Bi-
la yekî dengxweş û rind li pêşiya we nimêj
bike, heta ez ji îznê vedigerim." Piştî ku me-
le ji gund diçe, gundî li hev dicivin ku rindekî deng-
xweş li pêşiyên wan îmamî bike. Ji bilî Zeyneba Zer
kesekî dengxweş û rind nabînim, bi mecbûrî wê di-
xin îmam û li dû wê nimêj dikin heta ku îmamê wan
ji îznê dizivire. Îmam ji wan re dibêje: "Kî li pêşiya
we nimêj kir?" Dibêjin: "Zeyneba Zer." Mele dibêje:
"Hey Xwedê mala we xerab bike, we çi kiriye? Li
pey jinan nimêj nabe." Civat dibêje: "Seyda di gund
de ji Zeynebê rindtir û dengxweştir tune bû, te jî goti-
bû gere îmam dengxweş û rind be. Me çi zanibû ku
li pey jinan nimêja mêran nabe?" Li ser wê gotinê,
yekî xort ji civatê re dibêje: "Bi Xwedê ez ketim ferqê
ku nimêja me betal bû, dema ku Zeyneba Zer xwe
pilûç dikir, têrmaşê min xwe mûç dikir, dema ku

berjêr diçû ew
hevraz dibû...

Dema...Min ji wê
fêm kir ku ew ne
tu nimêj bû..."

Demîrel jî, de-
ma ku ji serok-
wezîrtiyê çû, li ci-
vata xwe tewsiye
kir ku, yekî deng-
xweş û rind bînin
şûna wî, civata
hêja jî wesiyeta î-
mamê emekdar
û zana pêk anîn
û Zeyneba Zer
(Tansû Çîller) ji
îmamtiya xwe re
hibbijartin û kirin
serokwezîra

**Ji Zeyneba Zer ku
behs vebûye, gotine-
ke pêşiyên jî der
heqê wê de heye. Bi
vê munasebetê em vê
gotine jî, ji xwende-
vanên hêja re pêşkêş
bikin. Wiha ye :
"Zeyneba Zer xwe
da, kate jî li ser."
Gotineke din jî xweş
heye, dibêjin, "Zey-
neba Zer, geh li bine,
geh li se**


xwe...

Gerçî hinek xortan gotin, "Nimêja me li pey wê na-
be..." Lê Kalê Şareza Serdodîkê Lawê Paşê (Erdal
Înönü) fetwa da û got: "Ji wê çêtir û rindtir tune ye,
bavê min ê rehmetî jî li pey jinan nimêj dikir, mez-
hebê me laîqî ye. Nimêja me li pey jinan jî dibe li
pey guran jî..." Li ser wê fetwa hemdemî Zeyneba
Zer (Tansû Xanim) bû îmam û dest bi nimêja xwe ya
faşistî kir. Gerçî heta niha tu nimêjeke pak û durist
nekiriyê, ji vir wiha jî nake, lê di nav civata Demîrel
de ya dengxweş û rind hê jî ew e. Nimêja kê jî, wek
a Ebûlfeyz Elçîbey betal dibe, bila bibe. Xema wê
nîn e. "Tirkek bedêlê dinyayê ye" Ji Zeyneba Zer ku
behs vebûye, gotineke pêşiyên jî der heqê wê de
heye. Bi vê munasebetê em vê gotine jî, ji xwende-
vanên hêja re pêşkêş bikin. Wiha ye : "Zeyneba Zer
xwe da, kate jî li ser." Gotineke din jî xweş heye,
dibêjin, "Zeyneba Zer, geh li bine, geh li ser"

Em jî dikarin wiha bibêjin ku, "Şêr şêr e, çi jin e çi
mêr e". Bi gora bavê "Elçîbeg" ku nimêja wî betal
bûye... Nimêja Lawê Paşê betal nebe bes e! Na lo!
herhal wê nimêja wî jî di nêzik de betal bi be, belkî
înşaallah di nêzik de. Nimêja bi tevahî bête kirin.
Yanê bimirin ku pêsîra xelkê ji wan bi tevahî xelas
bibe...!

Îmamekî adil û zana, civateke wek însanan bibe
nesîbê me û hemû misilmanan.

DR. ZEKÎ TANRIKULU



*Neyarên xwînîrî sterekî din jî xuricandin.
Lê bila bê zanîn ku, ew tava germ in ji
tovê hêviyê re.*

Li ser navên welatparêzên Farqînê

Zana Farqînî

Riya li ber DEP'ê

Osman Özçelik

Di van rojên dawî de êrîşên dewletê li ser Partiya Demokrasiyê (PD/DEP) bi hêz dibe. Bi van êrîşan re dewlet dixwaze tirs bikeve dilan, panîk belav bibe.

Bi kuştina parlementerê me Mehmet Sincar re vekîşîna parlementerên ji meclîsê, ketê rojevê.

Partiya Keda Gel (PKG/HEP) di nava sê salan de 46 endam û rêvebirên xwe di riya demokrasiyê, aşî, azadî û wekheviyê de şehîd da.

Dewletê bi avabûna PKG'ê re dest bi êrîşên xwe nekir. Hêviya wan ew bû ku, PKG'ê bixin hem-bêza xwe. Ji ber vê dewlet di serî de bêdeng ma. Gava hate dîtin ku, têgihaya wê ji yên din cuda ye, piraniya rêvebir, endam û dilxwazan şervanên bêçek in, tirs û xof di dilê wan de nîn e û radest (teslîm) nabin wê demê dest bi êrîşên xwe kirin. Bi kuştin û girtinê pê re serî dernexistin, rabûn partî qedexe kirin.

Partiya Demokrasiyê di roja pêşîn de dewlet li hemberî xwe dît. Belê endamên PD'ê ji roja yekemîn ve zanibûn ku, dewlet diwar û xedar e, rihetiye nade wan. Dizanibûn dê dewlet bi çavê neyartiyê li wan binihêre. Cerîbîna PKG'ê li ber çavan bû. Mirovên di bin serbana PD'ê de civiyên ser hev dizanibûn li ser vê riyê kuştin, girtin, mirin û lêdan heye. Û dîsan dizanibûn ku, rêka azadiyê û daxwaza mafê mirovahiyê bi strî û dirî ye. Têgihîştibûn ku, xebata demokratîk û vekirî, ji ya veşartî xedartir û xeteretir e.

Careke din hatiye xuyan ku, dewlet ji şerê pênûsê ango ji şerê vekirî û eşkere yê demokratîk bêhtir ditirse. Bêsebeb ji gundî û xortan re nabêjin: "An bibin cerdevan an jî oderkevin çiyê." Bêsebeb ji mebûsên me re nabêjin: "Heywan..! Çi karê we li vir heye, herin çiyê..." Ew dizanin ku, wê di qada demokratîk de neheq bibin. Ji ber ku, qelsiya wan di vir de ye. Dibînin ku, di rojekê de sed gerîla jî bikujin deng ji yekî dernayê.

Xebata çekdarî di riya xwe de başxerab dimeşîya. Diviya ku, qada demokratîk vala nemîne. Gelş û pirsgirêkên civakî çiqas bi şerê çekdarî bê ferisandin jî, di dawiyê de dîsan aliyên şer li dor meseyê li hev kom dibin. Gelek serkeftinên bi şerê çekdarî li dor meseyê hatine windakirin. Şerê pênûsê ji şerê çekan bi hêztir e.

Careke din hatiye xuyan ku, dewlet ji şerê pênûsê ango ji şerê vekirî û eşkere yê demokratîk bêhtir ditirse. Bêsebeb ji gundî û xortan re nabêjin: "An bibin cerdevan an jî derkevin çiyê." Bêsebeb ji mebûsên me re nabêjin: "Heywan..! Çi karê we li vir heye, herin çiyê..."

Ew dizanin ku, wê di qada demokratîk de neheq bibin. Ji ber ku, qelsiya wan di vir de ye. Dibînin ku, di rojekê de sed gerîla jî bikujin deng ji yekî dernayê.

Ma kuştina rojnamevanekî, siyasetvanekî jî wilo ye?

Hûn nabêjin gelo çima gerîla eşkere, sivîlan bi dizî dikujin?

Dewlet dixwaze rê û dirbên legal bigire, dixwaze ku mirovên di qada demokratîk de têdikoşe bireve.

Piştî avabûna PD'ê, dest bi kuştina bi dizî kirin. Şehîdê pêşîn ê PD'ê Şükrü Firat e. Paşê Mehmet Yaşar, Mehmet Yeşil, Musa Ak,

Habîb Kiliç hatin kuştin. Vê dawiyê Metîn Özdemir û parlementerê me Mehmet Sincar bi hevdu re hatin kuştin. Birîndar û girtiyên me bêhejmar in.

Qîma xwe bi van neanîn, Serokê PD'ê Yaşar Kaya girtin avêtin girtîgehê. Di rojên wisa reş û tarî de cara pêşîn ferisandinên tûj tûj hişê mirov. Tiştên di heyecanê de tûj in û ji hişê dûr in. Divê mirov xwe zû bi zû ji vê zirûfê neç xelas bike. Hişê xwe bide serê xwe.

Îro vekîşîna parlementerên ji meclîsê bi vê heyecanê ketiye rojevê. Û em dibînin ku, yên vekîşînê tînin zimên ji derveyî partiyê ne.

1 Grûbek jê dibêje ku, riya parlementerîzmê ne tu rê ye. Bes riye heye, ew jî riya çekdarî ye. Dewlet tu riyên nahêle. Divê ku, ji meclîsa xwînmijan bê vekîşandin û meclîs neyê naskirin.

2 Grûba din jî dibêje ku, ji meclîsê bê vekîşîn dê dewlet, Hilbijartina Zû ya Giştî çêbike. Hin dibêjin bila PD bikeve hilbijartinan, hin jî dibêjin bila nekevê. Ên ku dibêjin bila PD beşdarî hilbijartinê bibe jî di nav xwe de dibin du ber. Yek jê ji bo ku, di hilbijartinan de hin bêhtir mebûsan bi dest bixe beşdariya PD'ê dixwazin. A din jî bi mebesta ku, dîsan ji meclîsê vebi-

kişin beşdariyê dixwazin.

Dibe ku, wekî din jî sebebên pêwist hebin.

Ez dixwazim bi kurtî li ser herduyan bisekinim. Ji grûba yekemîn re; ji bo pirsgirêkên civakî û ji bo pirsgirêka Kurd li Tirkîyeyê demokrasî pêwist e. Ji bo demokrasiyê jî, îro ji riya demokrasiyê pê ve tu rê nexuyaye. Rast e, pirsgirêka Kurd bi vê riyê ji binî ve nayê ferisandin, lê alîkariyê mezin dike.

Li jor li ser vê riyê em peyivîn. Divê ku, heta dawiyê li ser vê riyê bê xebitandin.

Partiya ku, amadehiyên beşdariya Hilbijartinên Giştî yên Herêmî dike wê çawa mirovên xwe yên hilbijartî vekîşîne? Xuyaye û eşkere ye ku, wê di hilbijartinê de gelê Kurd, welatparêzan hilbijêre. Tîrsa dewletê jî ev e. Mirov bifikire ku, bi sedan serokên belediyên, bi hezaran endamên meclîsa belediyên û mixtar ji kesên welatparêz werin ser hevdu hêzeke demokratîk û girîng dertê holê.

Pêwist e ku, ne parlemento û ne jî qada demokratîk bê berdan. Ji destê dewletê tê bila ew vê riyê li ber me qedexe bike.

Ji grûba duduyan re; Hilbijartina Zû ya Giştî berî sê mehan çênabe. Ango hilbijartin wê çilê zivistanê, di binê berfê de nabe. Wê dirêj bikin, bigihînin biharê. Jixwe di biharê de, di Adara 94'an de Hilbijartina Giştî ya Herêmî heye. Em dê çima xwe bê parlementer bihêlin.


Ku hûn hilbijartinê dixwazin, werin ji îro ve em dest bi xebatê bikin.

XAÇEPIRS

Amadekar: Rasto Zilanî

Çeperast: 1-Serokê şoreşa Çînê. Di wêne de tê dîtin/ Kurtenivîsa doktor (bijîşk) 2-Alet, hacet/ Li ku ye 3-Zer, zerîn/ Cih, şûn/ Bi Dimilkî roj 4-Sinêr/ Di listikên kaxezan de yek/ Li cem, li nik 5-Ling/ Bi Tirkî ber, fi-rehî/ Komareke olî 6-Amûreke bir-rînê/ Dîwan, sehne 7-Kûçik, kûtik/ Parçe 8-Bi Kurmanciya Başûr karker 9-Herêm, dever 10-Dest/ Cuzdanê pereyan

Serejêr: 1-Dayik/ Eşîr 2-Navê parzemînekê (kita)/ Notayek 3-Bi Îngilîzî tişt/ Kurtenivîsa partiya Mesud Berzanî (berevajî) 4-Dijberê derengê/ Hemû celeb tişt, hwd/ Bi Dimilkî rû 5-Ger, heke/ Ne tamam 6-Bi Soranî çav/ Hîle, dubara 7-Bi Fransî yek/ Tiştê pirr (plural) 8-Bi Kurdî pêşpirtikek/ Kinçekî hundirîn 9-Kurtenivîsa Grekan (Yewnan)/ Cihê ji derveyî tavê 10-Namûs 11-Bi Tirkî êl, eşîr 12-Kesê aqil-mend, şîretkar



BERSIVA XAÇEPIRSA HEFTIYA ÇÛYÎ

Çeperast: 1-Mehmet Sincar 2-Eba/ Re/ Ra/ Dê 3-Revok/ Şabûn 4-Biz/ Mî/ Olan 5-Donan/ Hêsan 6-Ez/ Nêrî 7-Era 8-Teraş/ Er 9-Alîsor 10-Riş/ Rojî
Serejêr: 1-Mer/ Destar 2-Ebeboz/ Elî 3-Havîn/ Êrîş 4-O- zan/ As 5-Erk/ Nê/ Şor 6-Te/ Re/ Ro 7-Şihîre 8-ÎRA/ Ardî 9-Nabos 10-Ûla 11-Adnan 12-Rê

QERTA ABONETIYÊ

Ji kerema xwe re ji hejmara pê ve min bikin aboneyê rojnameya Welat

Nav:

Paşnav:

Navnîşan:

Bedelê abonetiye razîn:

Li derve: Y. Serhat Bucak

İş Bankası Çağaloğlu Şub.

Döviz tevdiat Hesap No: 3113617

Li Tirkîyê: 385393

Ji kerema xwe re vî cihî dagirin û tevî kopiyêke pelê razandina bedelê abonetiye bişînin.

Navnîşana Welat: Başmusahip Sok. Talas

Han 16 Kat:3 No:301 Çağaloğlu / İstanbul

Tel: 513 34 33 Fax (Tel): 511 50 07

Mercên abonetiye:

	Li hundir	Li derve
3 meh	60.000	30 DM
6 meh	120.000	60 DM
12 meh	240.000	120 DM

Seyê Xayîn



Li gundekî Tetwanê
Raserî gola Wanê

Hebû mirovek şanaz
Xwediyê malên colên
pez

Dem bû havîn, germa
tûj
Li hawir giya bû pûş

Pîreka wî lê hilat
Got: "Ma ne çax e
Şêzrat?"

Emê herin zozana
Lê pezê me bêdan e"

Roja din bi rojhilat
Bar kirin koç bi rê ket

Berê xwe dan heyînê
Zozanê Şerefdînê

Piştî sê rojan gihan
Konê koçerî vedan

Pez berdane çêreyê
Nav nefel û nav giyê

Hebû sekî wan î har
Pirr jêhatî bû Suwar

Geh pez birin çêreyê
geh dianîn bêriyê

Çend rojên wan qediyar
Gur bi wana hisiyar

Bi radorî pez ketin
Lê qet fersend nedîtin

Lewre se pirr şiyar e
Li dora pez digere

Gur wiha nesekinîn
Rabûn civînek danîn

Gotin: "Em çawa bikin?
Em bi se bi le bikin"

Gurekî pîr xwe da pêş
Got: "Wî nas dikim ji
mêj

Emê wî ji rê bibin
Riya xwe li pez vekin"

Gurekî din ket peyvê
Got: "Me jî wiha divê

Lê ka bi çi mûcîbî
Tê wîna ji rê bibî?"

Got: "Kar pê tune
Xapandin karê min e"

Gurê pîr û îxtiyar
Kete radorî Suwar

Got: "Ka bila were vir
Wilo nebe dil kevir

Em û hûn em bira ne
Lê çima em wiha ne

Wan mirovên derewîn
Em li hev kirin xayîn

Em gewr in hûn belek in
Lê bi eslê xwe em yek

Ne bi roj û ne bi şev
Çavên te naçin ser hev

Ka bêje ew xwediyê te
Çi xwarinê dide te?

Ew tim dixwin goştê
nerm
Para te hestî û çerm"

Suwar pê re beşîşî
Hêdika ber pê meşî

Got: "Ma em ji ku zanin
Ku em û hûn bira nin

Va mirovan em û hûn
Ji hev û du dûr kirin

Êdî bêjin bê çawa
Bibim alîkarê we?"

Kêfa gur hat û kenî
Ji eşqa dil dijenî

Got: "Bibe yek bi me re
Ji xwediyê xwe biqere

Tiştê ji pez em bikin
Emê bi hev re bixwin
Tu bêje 'erê' û hew
Tim bixwe goştê qelew"

Suwar çû ser tayê wan
Bi hev re kirin peyman

Suwar kete nava pez
Sê mih neqandin bi lez

Dûrî xistin ji kerî
Gur hemû hatin alî

Her sê mih xeniqandin
Ûr bi wan pîpikandin

Hestî kirin bin axê
Bo Şêzrat pê dernexe

Rojek, dido, sisê, çar
Kerî hindik kir Suwar

Şêzrat bi pez hisiya
Got: "Ev çi qewimiye?"

Her roj deh meşkên
mezin
Me bi şîr dadigirtin"

Piştî pez dane mexel
Ew û jina xwe Xezal

Mih û bizin bijartin
Ketin nav wan hejmartin

Nêrîn deh mih kê
bûne
Gelo bi ku ve çûne

Derket gerê Şêzrat

Kevir kevir, lat bi lat

Nêrî gilokek hirî
Li nava hinek strî

Meyizî çi bibîne
Ew der sor in ji xwîne

Got: "Xuya dike rastî
Mû heye li vî mastî"

Çav avête hawîrdor
Nêrî hinek axa sor

Ew axa nû kolayî
Xwîn li dor rijiyayî

Dema dest avêt tevde
Hestî tije di nav de

Ji xwe re got: "Ev gur in
Evên ku ev mih xwarin

Her der bûne axepol
Bi gevzek û bi pîkol

Lê Suwar di ku de bû?
Ma qey ew di xew de
bû?

Kî bêje heye nîn e
Suwar li me xayîn e"

Dîsa ew ax kire kom
Bilez vegeriya kon

Got: "Ka Xezal derkeve
Rewşa mihên me ev e

Yek bi me nehiştine
Her deh hemû kuştine"

Wê şevê rabû Şêzrat
Li bin latekê veket

Çav gerand li ser û bin
Bi balkêş û bêpêjin

Ber nivê şevê nêrî
Pez li hevdu zivirî

Suwar mihek raqeta
Vekişand ber bi lata

Ji hêleke din du gur
Hilperikîn ber bi wir

Seyê bêşerm û bêar
Bi wan rê bûye hevpar

Dengê tivinga Şêzrat
Kir ku bêht bi wan de
hat

Herdu gurên çavbirçî
Dûv li xwe kirin çemçî

Suwar mat ma pernisî
Bi erdê re melisî

Herdu guh mane çeçel
Lerizî kete mexel

Şêzrat raser sekinî
Peyivî bi gazinî

Got: "Tu çêlî bû
Dema min tu anîbû

Bi şîr û goşt û bi nan
Tu xwedî kirî her dan

Tu bûy nefsek ji malê
Hevparê qûtê salê

Me bo te qencî dixwest
Ji can û dil diparast

Em bûne bav û dayîk
Tu ji me re bû lorîk

Êdî bêje min Suwar
Tu çawa bûye neyar

Kesê xayînê xwe be
Wê rojêke wî hebe

Ey Suwarê malmîrat
Êdî va roja te hat"

Kêr dayê jêkir terrî
Eyar kir çermê serî

Got: "Êdî vê zanibe
Kesê ku xayîn dibe

Xayîntî tê riya wan
Her ev e dawiya wan
Berhevkar: Jîr Dilovan

